



南北朝文鈔

一






成集書叢

編初

者編主
五雲王

行發館書印務商



南 北 朝 文 鈔

(一)



3 0649 7821 0

彭 兆 蓀 輯

本館據粵雅堂叢
書本排印初編各
叢書僅有此本

序

夫詩崇正始。賦首麗則。凡厥文辭。貴求初軌。駢儷之製。何獨不然。元熙以前。體裁恠狃。未極神明。迨南北瓜分。自永初之元。迄開皇之季。中間世歷數禩。代挺雅材。摛藻敷華。珠零錦粲。鑿乎莫之尙已。有唐而降。厥風漸頹。流及天水。古意浸微。幾鄰俳俗。後之作者。欲探源珠海。取法椎輪。舍南北朝。其奚適哉。吾友彭子甘亭。少學爲沈博絕麗之文。其持論也。甯蹇澁以違俗。勿軟滑以悖古。投跡高軌。棘棘不阿。間取有宋迄隋數朝文。博觀而慎擇之。除文選所已收。及庾徐不錄外。分體詮次。厘得百首。以爲學駢文者。制輪之寸轄。運關之尺樞。廩廩乎其操約而旨嚴也。嘉慶己未夏。聯襪金閭。縱言及此。予因參校一過。并錄甘亭原引。授之剛氏。韋莊有云。雖遺妍可惜。而備載斯難。是編也。聊以樹規植矩。使希雅音者。若射之有鵠焉耳。苟謂攬翻剔毛。足翼選學。則是輕塵足岳。而隳露添流也。卽謂鴻律蟠采。道在于茲。則又以指測河而曰河盡也。嗚呼。儼矣。吳江徐達源山民氏序。

50360

083
1124
2:1829

原引

六朝文爲偶語之左海。習駢儷而不胎息于此。庸音俗體。於古人固而存之之義何居焉。選樓以外。遺珠綦多。降自陳隋。不乏名製。暇時雜取南北史。文苑英華。藝文類聚。百三家集。四六法海。諸書。擇其文之尤工者。斷自永初。迄於大業。彙爲一集。題曰南北朝文鈔。攻選體者欲挽頽波而趨正軌。此編或藥俗之昌陽乎。至徐庾二集。固與選學同揭日月而行。茲不復列。且仿選詩家不收李杜例也。嘉慶己未仲春上澣。婁東彭兆蓀甘亭氏書於吳門寓齋。

南北朝文鈔目錄

卷上

與臧熹勅

梁武帝與謝朓勅

次建業詔

天嘉六年修前代墓詔

與劉孝儀令

與湘東王令

答勸進羣下令

永嘉郡教

豫章王拜後赦教

上讜言表

上新定法律表

申飭選人表

宋武帝

沈約

梁元帝

陳宣帝

梁簡文帝

梁簡文帝

梁元帝

邱遲

陸倕

蕭子良

孔稚圭

梁武帝

請徵補謝朓何胤表

薦鮑幾表

為柳世隆讓封公表

為韋雍州致仕表

經通天臺奏漢武帝表

勸進梁元帝第二表

為陳六宮謝表

請開獻書表

為晉安王謝南兗州章

修竹彈芭蕉文

上北伐圖疏

議給虜書疏

謝隨王賜紫梨啓

謝隨王賜左傳啓

謝賚地圖啓

梁武帝

梁元帝

沈約

王僧孺

沈炯

沈炯

江總

牛宏

沈約

沈約

王融

王融

謝朓

謝朓

昭太子

爲妾宏夜姝謝東宮賚合心花紋啓

謝東宮賚園啓

謝晉安王賜宜城酒啓

謝東宮賜宅啓

謝東宮賚米啓

謝東宮賚古跡啓

謝歷日啓

謝賚朱櫻啓

上魏書十志啓

答陸澄書

與從叔永書

登大雷岸與妹書

與尙書令王儉書

與荊州隱士劉虬書

與何胤論止殺書

梁元帝

張纘

劉孝儀

庾肩吾

庾肩吾

庾肩吾

庾肩吾

魏收

王儉

張融

鮑照

張充

蕭子良

周顥

答陶宏景論書書二

梁武帝

與何胤書

昭明太子

答湘東王求文集詩苑書

昭明太子

與蕭臨川書

簡文帝

答徐摛書

簡文帝

答張纘謝朓集書

簡文帝

答定襄侯餉臥篋書

簡文帝

答南平嗣王餉舞篋書

簡文帝

卷下

答蕭子雲上飛白書屏風書

簡文帝

答新渝侯和詩書

簡文帝

與湘東王論文書

簡文帝

答齊國餉雙馬書

梁元帝

與武陵王書

梁元帝

與蕭諮議等書

梁元帝

與友論隱書

與陶隱居書

答虞仲書

為庾杲之與劉居士虬書

北使還與永豐書

答劉之遴借類苑書

與宋玉山元思書

為衡山侯與婦書

與詹事江總書

復王少保書

與徐陵薦方回書

與徐陵請王琳首書

為王寬與婦義安主書

與徐僕射領軍述役僧書

與陽休之書

江淹

太真人

陶宏景

任昉

劉潛

劉峻

劉峻

何遜

陳后主

周宏讓

周宏讓

朱瑒

伏知道

釋真觀

祖鴻勳

上牛宏書

王孝籍

寄梁處士周宏讓書

王褒

遺崔贖書

王暕

答豫章王書

崔贖

為侯景叛移梁朝文

魏收

報應問

何承天

問律自序

張融

為亮法師製涅槃經疏序

梁武帝

陶淵明集序

昭明太子

內典碑銘集林序

梁元帝

職貢圖序

梁元帝

全德志序

梁元帝

洞林序

梁元帝

昭明太子集序

劉孝綽

詩品序

鍾嶸

書品序

虎邱山序

河清頌

勞生論

餅說

凌煙樓銘

曇隆法師誄

褚先生伯玉碑

招真館碑

天光寺碑

常山公主碑

景明寺碑

大同哀詞

徵君何子哲先生墓志銘

共文一百編

庾肩吾

顧野王

鮑照

廬思道

吳均

鮑照

謝靈運

孔稚圭

梁簡文帝

陸倕

溫子昇

邢邵

簡文帝

簡文帝

南北朝文鈔卷上

清 婁東彭兆孫甘亭

與臧熹勅

宋武帝



頃學尙廢弛。後進積業。衡門之內。清風輟響。良由戎車屢警。禮樂中息。浮夫近志。情與事乖。文籍敦厲風尚。此境人士。子姪如林。明發搜訪。想聞令軌。然荆玉含寶。要俟開瑩。幽蘭懷馨。事資扇發。獨習寡悟。義著周典。今經師不遠。而赴業無聞。非惟志學者鮮。或是勸誘未至耶。想復宏之。

釋名云。勅。飾也。漢制度曰。帝之下書有四。一策書。二制書。三詔書。四誡勅。細素雜記。謂唐以前帝王命令。尙未稱勅。謂千字文勅員外郎勅字。乃梁字。謬說也。源按南宋列傳。熹字德仁。東莞莒人。武敬皇后兄也。晉太元中。始立國學。舉熹爲助教。頃之去官。以母老家貧。與其弟熹。俱棄人事。躬耕自業。約已養親。十餘載。居喪。以毀瘠著稱。服闋。除臨沂令。宋武帝義旌建。爲太學博士。參右將軍。何無忌軍事。隨府轉鎮南參軍。高祖鎮京口時。與熹此書。後徵拜太常。彌自冲約。茅屋蔬食。不改其舊。

梁武帝與謝朓勅

沈約

吾以菲德。屬當期運。鑒與吾賢。思隆治道。而明不遠燭。所蔽者多。實寄賢能。匡其寡闇。嘗謂山林之志。上所宜宏。激貪勵薄。義等爲政。自居元首。臨對百司。雖復執文經武。各修厥職。羣才競爽。以致和美。而鎮風

靜俗。變教論道。自非箕穎高人。莫膺此寄。是用虛心側席。屬想清塵。不得不屈茲獨往。同此濡足。便望釋
蘿襲裘。出野登朝。必不以湯有慙德。武未盡善。不降其身。不屈其志。使壁帛虛往。蒲輪空歸。傾首東路。望
兼立表。義軒逸矣。古今殊事。不獲總駕。控峒。依風問道。今方復引領雲臺。虛己宣室。紆賢之愧。載結寢興。
肫字敬冲。莊之子。建武中。與何胤並徵不至。梁武初。再徵。亦不至。遣王果敦譬肫。肫謀于胤。胤給曰。興
王之世。安可久處。肫遂出。以此頗失衆望。然肫初爲吳興太守。頗事聚斂。至以雞卵賦人。使終身不出。
亦惡得爲高隱耶。

源按梁武本記。天監元年。徵肫爲左光祿大夫。開府儀同三司。此卽徵肫之勅。後肫詣闕自陳。詔授司
徒。尙書令。改中書監。司徒衛將軍。五年卒。諡曰靖孝。

次建業詔

元 帝

夫爰始居亳。不廢先王之都。受命于周。無改舊邦之頌。頃戎旃旣息。關柝無警。去魯興嘆。有感宵分。過沛
殞涕。實勞夕寐。仍以瀟湘作亂。庸蜀阻兵。命將授律。指期克定。今八表乂清。四郊無壘。宜從青蓋之典。言
歸白水之鄉。江湘委輸。方船連舳。巴峽舟艦。精甲百萬。先次建業。行實京師。然後六軍過征。九旂揚旆。拜
謁瑩陵。修復宗社。主者詳依舊典。以時宣力。

孫按元帝卽位江陵。將都建業。以宗懷、黃羅漢所阻。不果行。此詔南史本紀不載。法海亦未收。於帝集
中錄出之。

源按周書王褒傳云。元帝以建業彫殘。方須修復。江陵殷盛。便欲安之。領軍將軍胡僧佑。吏部尙書宗懷。太府卿黃羅漢。御史中丞劉毅等。俱言遷徙非宜。元帝深以爲然。南史亦載曩實吾意。宗黃何罪之言。可知元帝本無遷意也。此詔載在梁書本紀。宜從青蓋之典。典字。梁書作興。宣力史作宣勒。太寶三年詔云。以時宣勒。承聖二年詔云。外卽宣勒。屢見。

天嘉六年修前代墓詔

陳宣帝

梁室多故。旣亂相尋。兵甲紛紜。十年不解。不逞之徒。虐流生氣。無賴之屬。暴及徂魂。江左肇基。王者攸宅。金行水位之主。木運火德之君。時更四代。歲逾二百。若其經綸王業。縉紳民望。忠臣孝子。何世無才。而零落邱山。變移陵谷。咸皆翦伐。莫不侵殘。玉杯得於民間。漆簡傳於世載。無復五株之樹。罕見千年之表。自大祚光啓。恭惟揖讓。爰暨朕躬。聿修祖武。雖復旂旗服色。猶行杞宋之邦。車駕巡遊。眇瞻河洛之路。故喬山之祀。蘋藻弗虧。驪山之墳。松柏恆守。惟戚藩舊壠。士子故塋。掩殮未周。樵牧猶衆。或親屬流隸。負土無期。子孫冥滅。手植何寄。漢高流連於無忌。宋祖惆悵於子房。邱墓生哀。性靈共惻者也。朕所以興言永日。思慰幽泉。維前代王侯。自古忠烈。墳冢被發。絕無後者。可檢行修治。墓中樹木。勿得樵採。庶幽顯咸暢。稱朕意焉。

源按有陳受禪。及世祖高宗之世。詔策俱徐陵草之。此詔載在世祖文帝本紀。當亦出其手。

與劉孝儀令

梁簡文帝

賢從中庶。奄至殞逝。痛可言乎。其孝友淳深。立身貞固。內含玉潤。外表瀾清。美譽嘉聲。流於士友。言行相符。始終如一。文史該富。琬琰爲心。辭章博瞻。元黃成采。旣以鳴謙表性。又以難進自居。未嘗造請公卿。締交榮利。是以新沓莫之舉。杜武弗之知。自阮放之官。野王之職。栖遲門下。已逾五載。同僚已陟。後進多升。而怡然清靜。不以少多爲念。確爾之志。亦何易得。西河觀寶。東江獨步。書籍所載。必不是過。吾昔在漢南。連翻書記。及忝朱方。從容坐首。良辰美景。清風月夜。鶴舟乍動。朱鷺徐鳴。未嘗一日而不追隨。一時而不會遇。酒闌耳熱。言志賦詩。校覆忠賢。權揚文史。益者三友。此實其人。及宏道下邑。未申善政。而能使民結去思。野多馴雉。此亦威鳳一羽。足以驗其五德。比在春坊。載獲申晤。博望無通寶之務。司成多節文之科。所願故人。時相媿偶。而此子溘然。實可嗟痛。惟與善人。此爲虛說。天之報施。豈若此乎。想卿痛悼之誠。亦當何已。往矣奈何。投筆惻愴。吾昨欲爲誌銘。并爲撰集。吾之劣薄。其生也不能揄揚吹歎。使得騁其才用。今者爲銘爲集。何益旣往。故爲痛惜之情。不能已已耳。

劉遵。字孝陵。彭城安上里人。有學行。工文。晉安王爲太子。除中庶子。偏蒙寵遇。大同元年卒。太子悼惜之。因與遵從兄孝儀令。

蓀按駢體至梁而極盛。簡文諸製。尤美不勝收。茲編意取簡嚴。若上昭明集表。及元圃講頌。賚扇。賜裘。諸啓。概從割愛。猶之劉峻不錄山棲志。盧思道不錄甘露表。略舉一二。他可類推。

源按孝儀名潛。彭城安上里人。秘書監。孝綽弟。時爲陽羨令。

與湘東王令

梁簡文帝

威明昨宵奄復殞化。甚可痛傷。其風韻適上。神風標映。千里絕跡。百尺無枝。文辯縱橫。才學優贍。跌宕之情。彌遠。濠梁之氣。特多。斯實俊民也。一爾過隙。永歸長夜。金刀掩茫。長淮絕澗。去歲冬中。已傷劉子。今茲寒孟。復悼王生。俱往之傷。信非虛說。

王規字威明。劉子謂中庶子遵也。世說新語以簡文為昭明書記。洞詮以遵為孝綽。俱誤。

源按王規傳具載此令。神風標映。本傳作神峰標映。

答勸進羣下令

元帝

孤以不德。天降之災。枕戈飲膽。扣心泣血。風樹之酷。萬始不追。霜露之哀。百憂總萃。甫聞伯升之禍。彌切仲謀之悲。若封豕既殲。長蛇即戮。方欲追延陵之逸軌。繼子臧之高讓。豈資秋亭之壇。安事繁陽之石。侯景項藉也。蕭棟殷辛也。赤泉未賞。劉邦尚曰漢王。白旗弗懸。周發猶稱太子。飛龍之位。孰謂可躋。附鳳之徒。既開來議。羣公卿士。其諡孤之志無忽。

大寶二年。太宗崩。王僧辯累表勸即尊位。世祖答讓。

永嘉郡教

邱遲

貴郡控帶山海。利兼水陸。實東南之沃壤。一都之巨會。而曝背拘牛。屢空於畎畝。績麻治絲。無間於甕巷。其有耕灌不修。桑榆靡樹。遨遊鄙里。酣醕卒歲。越伍乖鄰。流宕忘返。才異相如。而四壁獨立。高懸仲蔚。而

三徑沒人。雖謝文翁之正俗。庶幾龔遂之移風。

運字希範。烏程人。靈鞠子也。武帝踐祚。出為永嘉郡守。在郡不稱職。為有司所糾。帝愛其才。寢其奏。

豫章王拜後赦教

陸倕

夫議獄緩死。著在令圖。疑罪惟輕。聞諸雅誥。是以虞經惻隱。流涕冬決。鍾意垂仁。哀矜寒送。吾以虛薄。夙願寵章。光宅襟險。奄有全粵。非有沛獻矜嚴。空紆青組。東平智思。徒舉赤帷。思所以仰述皇猷。導揚宏澤。遵彼下車。譬茲解網。

按倕。齊梁間人。本傳不載為豫章官屬。齊豫章王嶷。嘗為荊湘二州刺史。都督八州。帝因其病。為之大赦。疑此時作也。

源按史。倕字佐公。吳郡吳人。父慧曉。字叔明。齊高帝輔政。除尚書殿中郎。建元初。遷太子洗馬。廬江何點。薦於豫章王嶷。補司空掾。甚加恩禮。子三僚。任倕。皆能文。時人謂之三陸。慧曉授兗州。三子依次作讓表。辭並雅麗。此文當亦慧曉令其代作。倕少好學。於宅內起兩茅屋。屏絕來往。晝夜讀書。如此數載。年十七。補本州秀才。刺史竟陵王子良。開西邸延英俊。倕亦預焉。辟為議曹從事參軍。與樂安任昉友善。為感知己賦。後仕梁。遷太常卿。

上讜言表

蕭子良

前臺使督逋。切調恆聞。相望於道。及臣至郡。亦殊不踈。凡此輩使人。既非詳慎勤順。或貪險倚燭。要求此

役朝辭禁門情態卽異暮宿村縣威福便行但今朱鼓裁完鉞槩徵具願胥左右叱咤自尊攬宗斷族排輕斥重脅遏津埭恐喝傳郵破岡水逆商旅半引逼令到下先過己船浙江風猛公私畏渡脫舫在前驅令俱發阿蹙行民固其常理侮折守宰出變無窮既瞻郭望境便飛下嚴符但稱行臺未顯所督先訶疆寺却攝羣曹開亭正檣便振荆革其次絳標寸紙一日數至徵村切里俄刻十催四鄉所召莫辯枉直孩老士庶具令付獄或尺布之逋曲以當四百錢餘稅且增爲千或詆應質作尙方寄繫東冶萬姓駭迫人不自固遂漂衣敗力競致兼漿值今夕酒諸肉飫卽許附申赦格明日禮輕貸薄便復不入恩科筐黃微闕箠肆情風塵毀謗隨然而發及其狃蒜轉積爲粟漸盈遠則分嚮他境近則託買吏民反請郡邑助民繇緩回刺言臺推信在所如聞頃者令長守牧雖此每實非復近歲愚謂凡諸檢課宜停遣使密畿州郡則指賜勅遙外鎮宰明下滌源既各奉別旨人競自罄雖復臺使盈湊會取正屬所徒相疑債反更淹懈凡預衣冠荷恩盛世多以關緩貽魯少爲欺猾入罪若類以宰牧乖政則觸事難委不容課逋上網偏覺非才但賒促差降各限一期如乃事速應緩自依違糾坐之坐之之科不必須重但令必行期在可肅且兩裝之船克擬千緒三坊寡役呼訂萬計每一事之發彌晨方辦粗計近遠率遣一部職散人領無減二十舟船所資皆復稱是長江萬里費固倍之較略一年脫得省者息船優役實是不少兼折姦減竊遠近暫安

竊按臺使之害振古如斯唐宋以來厥風寢甚讀此及建封傳中宮市諸弊輒爲三嘆

源按南宋孝武後。徵求急速。以郡縣遲緩。遂遣臺使。自此公役勞擾。齊太祖踐祚。子良乃上此表。子良字雲英。武帝第二子。封竟陵王。少有清尚。禮才下士。與文惠太子同好釋氏。子良敬信尤篤。武帝不豫。遺詔使子良爲太傅。輔太孫。西昌侯鸞爲侍中。尚書令。子良素仁厚。不樂時務。乃推西昌侯總理朝政。武帝遺詔曰。事無大小。悉與鸞參。懷子良所志也。隆昌元年薨。年僅三十有五。所著內外文筆數十卷。多勸戒語。

上新定法律表

孔稚圭

臣聞匠萬物者以繩墨爲正。馭大國者以法理爲本。是以古之聖王。臨朝思理。遠防邪萌。深杜姦漸。莫不資法理以成化。明刑賞以樹工者也。伏惟陛下。躡歷登皇。乘圖踐帝。天地更築。日月再張。五禮裂而復縫。六樂頽而爰緝。乃發德音。下明詔。降恤刑之文。申慎罰之典。敕臣與公卿入坐。共刪注律。謹奉聖旨。諮審司徒臣子良。稟受成規。創立條緒。使兼監臣宋躬。兼平臣王植等。鈔撰同異。定其去取。詳議入座。裁正大司馬臣嶷。其中洪疑大議。衆論相背者。聖照元覽。斷自天筆。始就成立律文二十卷。錄敍一卷。凡二十一卷。以今奏聞。請付外施用。宣下四海。臣又聞老子仲尼曰。古之聽獄者。求所以生之。今之聽獄者。求所以殺之。與其殺不辜。甯失有罪。是則斷獄之識。自古所難矣。今律文雖定。必須用之。用失其平。不異無律。律書精細。文約例廣。疑似相傾。故誤相亂。一乖其綱。枉濫橫起。法吏無解。旣多謬僻。監司不習。無以相斷。則法書徒明於帙裏。冤魂猶結於獄中。今府州郡縣。千有餘獄。如令一獄歲枉一人。則一年之中。枉死千餘。

矣。寃毒之死。上干和氣。聖明所急。不可不防。致此之繇。又非但律吏之咎。列邑之宰。亦亂其經。或以軍勳餘力。或以勞吏暮齒。獷情濁氣。忍并生靈。昏心狠態。吞剝氓物。虐理殘其命。曲文被其罪。寃積之興。復緣斯發。獄吏雖良。不能爲用。使于公哭於邊城。孝婦寃於遐外。陛下雖欲宥之。其已血濺九泉矣。尋古之名流。多有法學。故釋之定國。聲光漢臺。元帝文惠。績映魏閣。今之士子。莫肯爲業。縱有習者。世議所輕。良繇空勤永歲。不逢一朝之賞。積學當年。終爲閭伍所蚩。將恐此書。永墜下走之手矣。今若宏其爵賞。開其勸募。課業宦流。班習胥子。拔其精究。使處內局。開其才良。以居外仕。方岳咸選其能。邑長竝擢其術。則臯繇之謀。指掌可致。杜鄧之業。鬱焉何遠。然後姦邪無所逃其刑。惡吏不能藏其詐。如身手之相驅。若絃枯之相接矣。臣以疎短。謬司大理。陛下發自聖衷。憂矜刑網。御延奉訓。遠照民瘼。臣謹仰述天官。伏奏雲陸。所奏繆允者。宜寫律上國學。置律助教。依五經例。國子生有欲讀者。策試上過高第。即便擢用。使處法職。以勸士流。

蓀按此參議王植所定律章。當時竟陵王子良。下意多使從輕。故德璋此文。亦言言悱惻。

源按史所載明刑賞以樹功者也。工宜從功。公卿八坐。詳議八座。二句俱作八座。閒其才良。閒當作簡。

申飭選人表

梁武帝

臣聞以言取士。士節其言。以行取人。人竭其行。所謂才生於代。窮達惟時。而風流遂往。馳騫成俗。媒孽夸衒。利盡錐刀。遂使官人之門。肩摩轂擊。豈直暴蓋露冠。不避寒暑。遂乃戢屢杖策。風雨必至。良由鄉舉里

選不師古始。稱肉度骨。遺之管庫。加以山河梁畢。闕與徵之恩。金張許史。忘舊業之替。吁可傷哉。且夫譜牒訛誤。詐僞多緒。人物雅俗。莫肯留心。是以冒襲良家。卽成冠族。妄修邊幅。便爲雅士。負俗深累。遽遭寵擢。墓木已拱。方被徵榮。故前代選官。皆立選簿。應在貫魚。自有銓次。冑籍升降。行能臧否。或素定懷抱。或得之輿論。故得簡通賓客。無事掃門。頃代陵夷。九流乖失。其有勇退忘進。懷質抱真者。選部或以未經朝謁。難於進用。或有晦善藏聲。自埋衡華。又以名不素著。絕其階緒。必須畫刺投狀。然後彈冠。則是驅迫廉。搗獎成澆競。愚謂自今選曹。宜精隱括。依舊立簿。使冠履無爽。名實不違。庶人識崖涖。造請自息。且聞中間立格。甲族以二十登仕。後門以過立試吏。求之恐懷。抑有未達。何者設官分職。惟才是務。若八元立年。居卓隸而見抑。四凶弱冠。處鼎族而宜甄。是則世祿之富。無意爲善。布衣之士。肆心爲惡。豈所以宏獎風流。希向後進。此實巨蠶。尤宜刊革。不然將使周人有路傍之泣。晉臣興漁獵之歎。且俗長浮競。人寡退情。若限歲登朝。必增年就宦。故貌實昏童。籍已踰立。滓穢名教。於斯爲甚。臣總司內外。憂責是任。朝政得失。義不容隱。伏願陛下垂聖淑之姿。降鸞覽之末。則彝倫自修。憲章惟允。

源按齊書和帝中興二年詔云。梁國初建。宜須綜理。可依舊選。諸要職悉依天朝之制。梁武時。封相國梁公。因上此表。

請徵補謝朓何胤表

武帝

夫窮則獨善。達以兼濟。雖出處之道。其揆不同。用捨惟時。賢哲是蹈。前新除侍中太子少傅朓。前新除散

騎常侍太子詹事都亭侯。羽儀世胄，徽猷冠冕，道業德聲，康濟雅俗。昔居朝列，素無宦情；賓客簡通，公卿罕預。簪紱未褫，而風塵擺落；且文宗儒肆，互居其長；清規雅裁，兼擅其美。並達照深識，預覩亂萌。見庸質之如初，知貽厥之無寄。拂衣東山，眇絕塵軌。雖解組昌運，實避昏時。家膺鼎食，而甘茲橡艾；世襲青紫，而安此懸鶉。自澆風肇扇，用南成俗；淳流素軌，餘烈頗存。誰其激貪，功歸有道。康俗振民，朝野一致。雖在江海，而勳同魏闕。今泰運甫開，賤貧爲耻。況乎久蘊瑚璉，暫厭承明。而可得求志海隅，永追松子。臣負荷殊重，參贊萬機，實賴羣才，共成棟幹。思挹清源，取鏡止水。恐欲屈居僚首，朝夕諮諏。庶足以翼宣寡薄，式是王庭。

源按梁高祖平京邑，進位相國，表請徵謝朓，何胤，爲軍諮祭酒。朓加後將軍，並不起。胤字子季，廬江潯人。

薦鮑幾表

元帝

臣聞思皇多士，仄陋所以明敷。疇咨熙載，髦俊所以竝作。斯固殷殿初基，拾龍淵之寶；虞祠始構，獻鳳管之玉。旌蒲出魯，黃帛歸齊。頌聲旣興，盛業斯在。伏惟陛下，則天緯地，乘正馭才。沙汰八風，登明六合。叶龜登夢之客，日賁於丘園。韋穀投釣之臣，相望於魏闕。故以物無遺寶矣。振鷺有充庭之謳，白駒罕空谷之詠。洋洋濟濟，無得而稱者焉。臣誠愧知才識，職非選舉。竊以進賢上賞，蔽賢顯戮。敢緣斯義，用舉所知。伏見鮑幾，門庭雍睦，立身貞退。博涉文史，頗嫻刀筆。忠公抗直，出宰廉平。雅志宏深，安貧專靜。解巾入仕，三

十餘年。自遊臣府。一紀于茲。前宰東邑。實有二魯之風。近處南臺。欲尊兩鮑之則。伏揆天嚴。已當簡在。脫蒙顯居良局。登以清貫。將齊毛玠古人之服。實同吳隱酌水之廉。昔丁隈牧州。陳願翟之好禮。徐靖爲郡。薦袁渙之篤學。桓範驅傳。先舉管甯。朱則剖符。亦稱董直。臣才非往哲。識愧前修。輕塵聽覽。伏待斧鉞。

源按幾字景元。東海人。元帝爲湘東王時。幾爲諮議參軍。

爲柳世隆讓封公表

沈約

臣聞懸旌玉塞。武師尙黜其功。伐鼓炎州。伏波猶懼其賞。徒以兼委之施。或難固辭。抽心之情。必無雙奪。是故俛容青閣。願還慈於裂壤。竊步丹墀。希收寵於開賦。昔竄命窮雉。難迫勢孤。沈板未難。負戶非切。及願溫靖之館。懼結尊慈之懷。累葉喁喁。舉門惴惴。臣事逼君親。理非外獎。實賴朝謨。謹肅宰略。遐震奔鯨。外剿臣何力焉。幸得扶老攜幼。重出幽堵。還軸歸驂。再踐鄉路。豈可資國青以邀其功。因家勳而襲其報。遂使甘霜受電之心。有同於飾請。皎日大河之志。匪殊於貌謁。

世隆。元景之弟子。以破沈攸之功。封貞陽縣侯。齊高帝踐祚。進爵爲公。約字休文。吳興武康人。初梁武帝在西邸。與約有舊。建康平。引爲驃騎司馬。禪代之事。約首發之。帝卽位。約久處端揆。有志台司。而帝終不用。嘗夢齊和帝斷其舌。乃呼道士奏赤章于天。稱事不由已。帝聞。數譴責之。約懼而卒。有司請諡文。帝曰。懷清不盡。曰隱。故改爲隱。

源按世隆。字彥緒。河東解人。性愛涉獵。啓太祖借秘閣書。上給三千卷。少立功名。晚喜清談。在朝不干

世務垂簾鼓琴。風韻清遠。善卜能前知。卒諡忠武。

爲韋雍州致仕表

王僧孺

一旦攀附。遂無涯限。排雲矯漢。飛捧待翼。陸離蟬組。照灼旛旗。受脤推轂。執珪奉酎。變狹室於高門。改小冠於侯服。況復還周紐。其六印歸齊。列其五鼎。常懼輪輕。載積基薄。塘高器覆。危傾人指。鬼瞰老與年并。疾隨衰及。途遙齒截。漏迫鐘鳴。高春之景一斜。不周之風忽至。菌蠃夕陰。倏駛無幾。槿薜朝采。飄零已及。仰朱闕而掩涕。俯濠谷而自悲。豈復式瞻拱默。仰接鐘鼓。倘帷蓋未親。東岳稍駐。擊壤鼓腹。其賜猶多。

蘇按韋叡佐命蕭梁。武帝卽位。封都梁子。天監中爲雍州刺史。史稱其羸而善戰。有韋虎之目。當崇信釋氏之代。獨不與衆俯仰。天監十五年。表致仕。優詔不許。名將中賢於有唐鄂國矣。

源按叡字懷文。京兆杜陵人。事繼母以孝聞。仕梁累著軍功。進爵爲侯。歷官所得。皆散之親故。卒諡曰嚴。僧孺東海郟人。於書無不覽。天監初。出爲南海太守。郡舊有陋政。僧孺歎曰。昔人爲蜀部長史。終身無蜀物。我欲遺子孫。甯在是。尋內擢兼御史中丞。僧孺幼時。其母鬻紗布。嘗攜以入市。道遇中丞鹵簿。驅迫溝中。及是日拜授。引騶清道。悲感不已。普通三年卒。

經通天臺奏漢武帝表

沈炯

臣聞橋山雖掩。鼎湖之窺可祠。有魯遂荒。大庭之跡無泯。伏惟陛下。降德猗闌。纂靈豐谷。漢道旣登。神仙可望。射之罘於海浦。禮日觀而稱功。橫中流於汾河。指柏梁而高冥。何其甚樂。豈不然歟。旣而運屬上仙。

道窮宴駕。甲帳珠簾。一朝零落。茂陵玉盃。宛出人間。凌雲故基。共原田而撫臚。別風餘址。帶陵阜而茫茫。羈旅縲臣。能不落淚。昔承明既厭。嚴助東歸。駟馬可乘。長卿西反。恭聞故實。竊有恚心。黍稷非馨。敢望徼福。但雀臺之弔。空愴魏君。雍邱之祠。未光夏后。瞻仰烟霞。伏增悽戀。

炯字初明。荊州陷。爲西魏所虜。以母老在東。恆思歸國。恐以文見留。有所作。輒秘不傳。嘗獨行經漢武通天臺。爲表奏之。陳己思歸之意。其夜夢至宮禁。兵衛甚嚴。便以陳訴。聞有人言。甚不惜放卿還。幾時可至。少日果與王克等並獲東歸。庾信、王褒惜而不遣。

源按陳書橋山雖掩橋。本傳作喬。鼎湖之竈。竈作靈。何其甚樂。作何其樂也。

勸進梁元帝第二表

沈炯

紫宸曠位。赤縣無主。百靈聳動。萬國回皇。雖醉醒相扶。同歸景亳。式歌且誦。總赴唐郊。猶懼陛下俛首潛然。讓德不嗣。傳車在道。方慎宋昌之謀。法駕已陳。尙杜耿純之勸。岳牧翹首。天民累息。臣聞星回日薄。擊雷鞭電者之謂天。岳立川流。吐霧蒸雲者之謂地。苞天地之混成。洞陰陽之不測。而以財成萬物者。其在聖人乎。故云天地之大德曰生。聖人之大寶曰位。黃屋廟堂之下。本非獲已而居。明鏡四衢之樽。蓋由應物取訓。伏惟陛下稽古文思。英雄特達。比以周旦。則文王之子。方之放助。則帝摯之季。千年旦暮。可不在斯。庭闕湮亡。鍾鼎淪覆。嗣膺景歷。非陛下而誰。豈可使赤眉更立盆子。隗囂託置高廟。陛下復從容高讓。用執謙光。展其矯行。僞書。誣罔正朔。見機而作。斷可識矣。匪疑何卜。無待蓍龜。日者公卿失馭。禍纏霄

極。獯。羯。憑。陵。姦。臣。互。起。率。戎。伐。穎。無。處。不。然。勸。明。誅。晉。側。足。皆。爾。刁。斗。夜。鳴。烽。火。相。照。中。朝。人。士。相。顧。銜。悲。涼。州。義。徒。東。望。殞。涕。慄。慄。黔。首。將。欲。安。歸。陛。下。英。略。緯。天。沉。明。內。斷。橫。劍。泣。血。枕。戈。嘗。膽。農。山。圯。下。之。策。金。匱。玉。鼎。之。謀。莫。不。定。算。展。帷。決。勝。千。里。擊。靈。鼙。之。鼓。而。建。翠。華。之。旗。驅。六。州。之。兵。而。總。九。伯。之。伐。四。方。雖。虞。一。戰。以。霸。斬。其。鯨。鯢。既。章。大。戮。何。校。滅。耳。莫。匪。姦。回。史。不。絕。書。府。無。虛。月。自。洞。庭。安。波。彭。蠡。底。定。文。昭。武。穆。芳。若。椒。蘭。敵。國。降。城。和。如。親。戚。九。服。同。謀。百。道。俱。進。國。恥。家。怨。計。期。就。雪。社。稷。不。墜。繫。在。聖。明。今。也。何。時。而。申。帝。啓。之。避。凶。危。若。此。方。陳。秦。伯。之。辭。國。有。具。臣。誰。敢。奉。詔。天。下。者。高。祖。之。天。下。陛。下。者。萬。國。之。歡。心。萬。國。豈。可。無。君。高。祖。豈。可。廢。祀。卽。日。五。星。夜。聚。八。風。通。吹。雲。煙。紛。郁。日。月。光。華。百。官。象。物。而。動。軍。政。不。戒。而。備。飛。艦。巨。艦。竟。水。浮。川。鐵。馬。銀。鞍。陵。山。跨。谷。英。傑。接。踵。忠。勇。相。顧。湛。宗。族。以。酬。恩。焚。妻。子。以。報。主。莫。不。覆。楯。銜。威。提。斧。擊。衆。風。飛。電。耀。志。滅。凶。醜。所。待。陛。下。昭。告。后。土。虔。奉。上。帝。廣。發。明。詔。師。出。以。名。五。行。夕。返。六。軍。曉。進。便。當。盡。司。寇。之。威。窮。蚩。尤。之。伐。報。石。趙。而。求。璽。斬。姚。秦。而。取。鐘。修。掃。瑩。陵。奉。近。宗。廟。陛。下。豈。得。不。仰。存。國。計。俯。從。民。請。漢。宣。嗣。位。之。後。卽。遣。蒲。類。之。軍。光。武。登。極。旣。竟。始。有。長。安。之。捷。由。此。言。之。不。無。前。准。臣。等。或。世。受。朝。恩。或。身。荷。重。遇。同。休。等。戚。自。國。刑。家。苟。有。腹。心。敢。以。死。奪。不。任。悽。悽。之。至。謹。重。奉。表。以。聞。

蓀按初明勸進三表皆工茲遴其一已足與孝穆如驂之靳矣。

源按炯吳興武康人侯景將宋子仙據吳興召炯委以書記炯辭以疾子仙怒欲斬之尋獲免及子仙

爲王僧辯所敗。於軍中購得之。自是羽檄軍書。皆出其手。簡文遇害。四方岳牧。皆上表於江陵勸進。僧辯令炯製表。前後凡三上。俱載元帝本紀。奉近宗廟句。近史作迎。

爲陳六宮謝表

江總

鶴籥晨啓。雀釵曉映。恭承盛典。肅荷徽章。步動雲桂。香飄霧縠。媿總豔粉。無情拂鏡。愁縈巧黛。息意臨窗。妾聞漢水贈珠。人間絕世。洛川拾翠。仙處無雙。或有風流行雨。窈窕初日。聲高一笑。價起兩環。乃可桂殿迎春。蘭房侍寵。借班姬之扇。未掩驚羞。假蔡琰之文。甯披棟戴。

葆按總持。歷仕梁陳。及爲令侯。日導後主。宴遊與陳暄。孔範。王瑳等。同爲狎客。以至於亡。乃其自序云。太建之時。權移羣小。諂嫉作威。屢被摧黜。夷言跖行。徒爲史籍所喚耳。至若藻采葩流。則固豔詩宮體之祖也。

請開獻書表

牛宏

經籍所興。由來尙矣。爰畫肇於庖羲。文字生於倉頡。聖人所以宏宣教導。博通古今。揚於王庭。肆於時夏。故堯稱至聖。猶考古道而言。舜其大智。尙觀古人之象。周官外史。掌三皇五帝之書。及四方之志。武王問黃帝顛頊之道。太公曰在丹書。是知握符御歷。有國有家者。曷嘗不以詩書而爲教。因禮樂而成功也。昔周德旣衰。舊經紊棄。孔子以大聖之才。開素王之業。憲章祖述。制禮刊詩。正五始而修春秋。闡十翼而宏易道。治國立身。作範垂法。及秦皇馭寓。吞滅諸侯。任用威力。事不師古。始下焚書之令。行偶語之刑。先王

墳籍掃地皆盡。本旣先亡。從而顛覆。臣以圖讖言之。經典盛衰。信有徵數。此則書之一厄也。漢興改秦之弊。敦尚儒術。建藏書之策。置校書之官。屋壁山巖。往往間出。外有太常太史之藏。內有延閣祕書之府。至孝成之世。亡逸尙多。遣謁者陳農。求遺書於天下。詔劉向父子。讎校篇籍。漢之典文。於斯爲盛。及王莽之末。長安兵起。宮室圖書。並從焚燼。此則書之二厄也。光武嗣興。尤重經誥。未及下車。先求文雅。於是鴻生鉅儒。繼踵而集。懷經負帙。不遠斯至。肅宗親臨講肄。和帝數幸書林。其蘭臺石室。鴻都東觀。祕牒填委。更倍於前。及孝獻移都。吏民擾亂。圖書縑帛。皆取爲帷囊。所收而西。裁七十餘乘。屬西京大亂。一時燔蕩。此則書之三厄也。魏文代漢。更集經典。皆藏在祕書內外三閣。遣祕書郎鄧默。刪定舊文。時之論者。美其朱紫有別。晉氏承之。文籍尤廣。晉祕書監荀勗。定魏內經。更著新簿。雖古文舊簡。猶云有缺。新章後錄。鳩集已多。足得恢宏正道。訓範當世。屬劉石憑陵。京華覆滅。朝章國典。從而失墜。此則書之四厄也。永嘉之後。寇竊競興。因河據洛。跨秦帶趙。論其建國立家。雖傳名號。憲章禮樂。寂滅無聞。劉裕平姚。收其圖籍。五經子史。纔四千卷。皆赤軸青紙。文字古拙。僭偽之盛。莫過二秦。以此而論。足可明矣。故知衣冠軌物。圖畫記注。播遷之餘。皆歸江左。晉宋之際。學藝爲多。齊梁之間。經史彌盛。宋祕書丞王儉。依劉氏七略。撰爲七志。梁人阮孝緒。亦爲七錄。總其書數。三萬餘卷。及侯景渡江。破滅梁室。祕省經籍。雖從兵火。其文德殿內書。史宛然猶存。蕭繹據有江陵。遣將破平侯景。收文德之書。及公私典籍。重本七萬餘卷。悉送荊州。故江表圖書。因斯盡萃於釋矣。及周師入郢。釋悉焚之於外城。所收十緝一二。此則書之五厄也。後魏爰自幽方。

遷宅伊洛。日不暇給。經籍闕如。周氏創基關右。戎車未息。保定之始。書止八千。後加收集。方盈萬卷。高氏據有山東。初亦採訪。驗其本目。殘缺猶多。及東夏初平。獲其經史四部。重雜三萬餘卷。所益舊書五千而已。今御書單本。合一萬五千餘卷。部帙之間。仍有殘缺。比梁之舊目。止有其半。至於陰陽河洛之篇。醫方圖譜之說。彌復爲少。臣以經書自仲尼已後。迄于當今年。踰千載。數遭五厄。興集之期。屬膺聖世。伏惟陛下受天明命。君臨區宇。功無與二。德冠往初。自華夏分離。堯倫攸斃。其間雖霸王遞起。而世難未夷。欲崇儒業。時或未可。今土宇邁於三王。民黎盛於兩漢。有人有時。正在今日。方當大宏文教。納俗升平。而天下圖書。尙有遺逸。非所以仰協聖情。流訓無窮者也。臣史籍是司。寢興懷懼。昔陸賈奏漢祖云。天下不可馬上治之。故知經邦立政。在於典謨矣。爲國之本。莫此攸先。今祕藏見書。亦足披覽。但一時載籍。須令大備。不可王府所無。私家乃有。然士民殷雜。求訪難知。縱有知者。多懷恡惜。必須勒之以天威。引之以微利。若猥發明詔。兼開購賞。則異典必臻。觀閣斯積。重道之風。超於前世。不亦善乎。伏願天鑒。少垂昭察。

爲晉安王謝南兖州章

沈約

臣以萊孱。幼無秀業。依天宅照。藉海憑瀾。王爵早加。藩麾夙樹。進不能閑詩西楚。好禮北河。退無以振采。六條宣風。萬里懷慙。起懼載溢。心顏而皇明輝燭。照被彌遠。遂乃徒旆淮區。遷金濟服。朱驂出邸。青組臨方。瞻惟徽寵。俯仰無厝。

王志堅曰。此等文本無大異。但以秀潤勝人。後人雖極力求勝而不可得。

修竹彈甘蔗文

沈約

渭川長兼淇園貞幹。臣修竹稽首。臣聞芟夷蘊崇。農夫之善法。無使滋蔓。剪惡之良圖。未有蠶苗害稼。不加窮伐者也。切尋蘇臺前甘蔗一叢。宿漸雲露。荏苒歲月。擢本盈尋。垂蔭含丈。階緣寵渥。鈴衡百卉。而與奪乖賞。高下在心。每叨天功。以爲己力。風聞籍聽。非復一途。猶謂愛憎異說。所以挂乎嚴網。今月某日。有臺西階澤蘭萱草到園同訴。自稱雖慙杞梓。頗異蒿蓬。陽景所臨。由來無隔。今月某日。巫岫歛雲。秦樓開照。乾光宏普。罔幽不矚。而甘蔗攢莖布影。獨見鄴蔽。雖處臺隅。遂同幽谷。臣謂偏辭難信。敢察以情。登攝甘蔗。左近杜若。江離。依源辨覆。兩草各處。異削同款。既有證據。羌非風聞。切尋甘蔗。出自藥草。本無芬馥之香。柯條之任。非有松柏後凋之心。蓋闕葵菴傾陽之識。憑藉慶會。稽絕倫等。而得人之譽。靡卽稱平之聲。寂寞。遂使言樹之草。亡憂之用。莫施無絕之芳。當門之弊。斯在。妨賢敗政。孰過於此。而不除戮。憲章安用。請以見事。徒根剪葉。斥出臺外。庶懲彼將來。謝此衆屈。

蓀按此文雖近俳諧。然較議餌賦蚤。尙稱雅令。後世毛穎羅文諸傳。實於此濫觴。

上北伐圖疏

王融

臣聞情愔自中。事符則感。象構於始。機動斯彰。莊敬之道可宗。會揖讓其彌。肅勇烈之士足貴。應鼙鐸以增思。肇植生民。厥詳旣緬。降及興運。維道有徵。莫不有所因循。而升皇業者也。若夫膏腴旣稱。天乙知五

方之富。皮幣已列。帝劉測四海之尊。異封禪之文。則升中之典。攸暨歎興地之圖。乃席捲之庸。是立伏惟陛下。窮神盡聖。總極居中。偶化兩儀。均明二曜。拯元綱於頽絕。反至道於澆淳。可謂區宇儀刑。齊民先覺者也。臣亦遭逢。生此嘉運。鑿飲畊食。自幸唐年。而識用昏蠶。經術疎淺。將適且軸。豈蕝與薇。皇鑒燭幽。天高聽下。賞片言之或善。矜一物之失時。滿拂塵蒙。霽飾光價。拔足草廬。廁身朝序。復得拜賀歲時。瞻望日月。於臣心願。會已畢矣。但千祀一逢。休明難再。思策鉛紉。樂陳涓瑋。竊習戰陳。攻守之術。農桑牧藝之書。申商韓墨之權。伊周孔孟之道。常願待詔朱闕。俯對青蒲。請開宴之私。談當世之務。位賤人微。徒深傾款。方今九服清怡。三靈和宴。木有附枝。輪無異轍。東鞞獻舞。南辨傳歌。羌焚踰山。秦屠越海。舌象翫委。體之勤。翰譯厭瞻巡之數。固將開桂林於鳳山。創金城於西守。而螽爾獯狄。敢譬大邦。假息關河。竊命函谷。淪故京之爽塏。變舊邑而荒涼。息反坫之儒衣。久伊川之被髮。北地殘民。東都遺老。莫不茹泣吞悲。傾耳戴目。翹心仁政。延首王風。若試馳咫尺之書。具甄戎旅之卒。徇其墜城。納其降虜。可弗勞弦。無待干戈。真皇王之兵。征而不戰者也。臣乞以執爰先邁。式道中原。澄瀚渚之恆流。掃狼山之積霧。係單于之頸。屈左賢之膝。習呼韓之舊儀。拜鑾輿之巡幸。然後天移雲動。勤封偕宗。咸五登三。追蹤七十。百神肅警。萬國具僚。瓊弁星離。玉帛雲聚。集三燭於蘭席。聆萬歲之正聲。豈不盛哉。豈不臚哉。昔桓公志在伐莒。郭牙審其幽趣。魏后心存去漢。德祖究其深言。臣愚昧忤誠。不足以知微。然伏揆聖心。規模宏遠。旣圖載其事。必克就其功。臣不勝歡喜。

孫按舉世儉安江左甯朔此表尙有封狼居胥意雖其言未必克踐固足振元嘉以來喪師頽廢之風矣史臣以終軍賈誼比之非過獎也

源按融字元長琅邪臨沂人永明末世祖欲北伐使毛惠秀畫漢武北伐圖使融掌其事因上此疏會已畢矣句會史作會勤封岱宗勤當作勒

議給虜書疏

王融

臣側聞僉議疑給虜書如臣愚情切有未喻夫虜人面獸心狼猛蜂毒暴悖天經虧違地義逋竄獨幽去來幽朔綿周漢而不悛歷晉宋其踰梗豈有愛敬仁智恭讓廉修慙犬馬之馴心同鷹虎之反目設橐秣有儲筋竿足用必以草竊開燧寇擾邊疆甯容款塞卑辭承衣請朔陛下務存遵養不時侮亡許其膜拜之誠納裘之靈况復願同文軌儻見款遣思奉聲教方致猜拒將使舊邑遺逸未知所寘衰胡餘曠或能自推一令蔓草難鉏涓流泛酌豈直疥癢輕痾容爲心腹重患抑孫武之言也因則數罰審則多賞先暴而後畏其衆者虜之謂乎前中原士庶雖淪攝殊俗至於婚葬之晨猶巾構爲禮而禁令苛刻動加誅黷于時獯粥初遷犬羊尙結卽心徒怨困懼成逃自其將卒奔離資時銷闕北畏勅蠕西逼南胡民背如崩勢絕防斷於是曲從物情僞竊章服歷年將緇隱蔽無聞旣南向而泣者日夜以觀北顧而辭者江淮相屬凶謀歲寤淺慮無方於是稽顙郊門問禮求樂若來之以文德賜之以副書漢家軌儀重臨畿輔司隸傳節復入關河無待八百之師不期十萬之衆固其提漿佇俟揮戈願倒三秦大同六漢一統又虜前後

奉使不專漢人。必介以匈奴。備諸覘獲。且設官分職。彌見其情。抑退舊苗。扶任種戚。師保則后族。馮晉國。總錄則邦姓。直勒渴。俟台鼎。則邱顏苟仁。端執政。則目凌鉗耳。至於東都羽儀。西京簪帶。崔孝伯。程虞蚪。久在著作。李元和。郭季祐。上于中書。李思冲。飾虜清官。游明根。泛居顯職。今經典遠被。詩史北流。馮李之徒。必欲遵尙。直勒等類。居致乖阻。何則。匈奴以氍騎爲帷牀。馳射爲餼糧。冠方帽。則犯沙陵雪。服左袵。則風隳鳥逝。若衣以朱裳。戴之元冕。節其揖讓。教以翔趨。必同艱桎梏。等懼冰淵。婆娑躑躅。困而不能前。已及夫春草水生。阻散馬之適。秋風木落。絕驅禽之歡。息涕唇於桑墟。別醞乳於冀俗。聽韶雅如聾曠。臨方丈若爰居。馮李之徒。固得志矣。虜之凶族。其如病何。於是風土之思深。復戾之情動。拂衣者運裾。抽鋒者比鏃。部落爭於下。曾渠危於上。我一舉而兼吞。卞莊之勢必也。且棘寶薦虞。晉疆彌盛。大鍾出智。宿氏以亡。帝略遠孚。無思不服。鑿光幸岱。匪暮斯朝。臣請收籍伊瀆。茲書復掌。猶取之內府。藏之外籟。於理有愜。卽事何損。若狂言足採。請決救施行。

虜遣使求書。朝議欲不許。融上疏請許之。

謝隨王賜紫梨啓

謝朓

味出靈關之陰。旨珍玉津之澁。豈徒真定歸美。大谷慙滋。將恐帝臺妙棠。安期靈棗。不得孤擅玉盤。獨甘仙席。雖秦君傳器。漢后推餐。望古可儔。於今何答。

蘇按元輝爲齊隨王子隆鎮西功曹。子隆好辭賦。朓尤被賞。及除新安記室。作牋辭王。妙絕千古。已登

選樓。此與謝賜左傳啓。蓋正其爲功曹文學時也。

源按隨王名子隆。字雲興。世祖第八子。能文。以才貌爲人所憚。朏字元暉。陳郡陽夏人。好學有美名。文章清麗。在隨邸流連。不捨日夕。累遷至尙書吏部郎。被議死於獄。

謝隨王賜左傳啓

謝朏

昭晰殺青。近發中汗。恩勸挾冊。慈勗下帷。眺未睹山笥。早惜河籍。業謝專門。說非章句。庶得旣困而學。括羽瑩其蒙心。家藏賜書。籙金遺其貽厥。披覽神勝。吟諷知厚。

謝勅賚地圖啓

昭明太子

漢氏輿地。形茲未擬。晉代方丈。比此非妙。匹之長樂。惟畫古賢。儔之未央。止圖將帥。未有洞該八藪。混觀六合。域中天外。指掌可求。地角河源。戶庭不出。豈問千秋。自識烏丸之地。脫逢壯武。方著博物之書。

蓀按唐呂衡州集。有唐李該地志圖序。以爲乾象坤勢。炳焉可觀。殆與此啓所言。同爲括地諸書之嚆矢。而唐藝文志已不載其書。惜哉。

源按昭明太子名統。字德施。小字維摩。高祖長子。孝謹天至。精於義學。引納才士。賞愛無倦。天監元年立爲皇太子。年三十一薨。謚昭明。

爲妾宏夜姝謝東宮賚合心花釵啓

元帝

未得投壺。先應含笑。不因鸞鳳。自能歌舞。夜姝昔往陽臺。雖逢四照。曾遊澧浦。慣識九衢。未有仍代爵釵。

遠勝翠羽。飾以南金。裝茲麗玉。修靡夫人。本分章華之裏。中山孺子。獨荷春宮之恩。有志當熊。無期投閣。

謝東宮賚園啓

張纘

性愛山泉。頗樂閒曠。雖復伏膺堯門。情存魏闕。至於一邱一壑。自謂出處無辨。常願卜居幽僻。屏避喧塵。傍山臨流。而郊負郭。依林結宇。憩桃李之夏陰。對鏡開軒。採橘柚之秋實。而王畿陸海。畝號一金。涇渭土膏。豪傑所競。徙居好時。必待使越之裝。別館河陽。亦資牧荆之富。此園左帶平湖。修陂千頃。右臨長薄。清潭百仞。前逼逸陌。朝夕爽塏之容。後望鍾阜。表裏烟霞之氣。每贖春迎夏。華卉競發。背林向冬。雲物澄霽。窺瞰戶牖。不異登臨。升降階墀。已窮歷覽。舟楫所屆。累日不能究其源。魚鳥之豐。山澤不能喻其美。

纘字伯緒。尚武帝女富陽公主。博學多通。與元帝爲布衣交。後爲岳陽王督所殺。性貪婪。貨賄填積。元帝皆收之。以粽蜜之屬還其家。

源按纘范陽方城人。負才任氣。吳興吳規。頗有才學。爲邵陵王綸禮遇。纘於綸席見規。忽舉杯曰。吳規。此酒慶汝。得陪今宴。規尋起還家。其子翁孺。聞之氣結。便卒。規恨纘痛子。憤哭致殞。妻翌日亦亡。時人謂張纘一杯酒。殺吳氏三人。其輕傲皆此類。不得令終宜矣。

謝晉安王賜宜城酒啓

劉孝儀

歲暮不聊。在陰卽慘。惟斯二理。總萃一時。少府鬪猴。莫能致笑。大夫落雉。不足解顏。或值餅瀉椒芳。壺開玉液。漢罇莫過。殷杯未逢。方平醉而遁仙。羲和耽而廢職。仰憑殊途。便申私飲。未矚鸚鵡。已觀幘岸。傾耳

求音。不聞靈擊。澄神密眠。豈覲山高。愈疾消憂。於斯已驗。遺榮忽賤。卽事不欺。醅酌之中。猶知刻銘。

源按簡文爲晉安王時。出鎮襄陽。引孝儀爲安北功曹史。孝儀幼孤。與其兄孝綽。相勵勤學。並工文。爲人寬厚。尤敦內行。第二兄孝能。早卒。孝儀事寡嫂甚謹。家中巨細。必先咨決。與妻子朝夕供事。未嘗失禮。世以此甚稱之。

謝東宮賜宅啓

庾肩吾

肩吾居異道南。才非巷北。流寓建春之外。寄息靈臺之下。豈望地無湫隘。里號乘軒。巷轉旛旗。門容臆蓋。況乃交垂五柳。若元亮之居。夾植雙槐。似安仁之縣。却瞻鍾阜。前枕洛橋。池通西舍之流。窗映東鄰之棗。來歸高里。翻成待封之門。夜坐書臺。非復通燈之壁。才下應王。禮加溫阮。官成名立。無事非恩。肩吾。字慎之。爲高齋學士之一。

源按梁書肩吾。又字子慎。新野人。簡文爲太子時。引爲東宮通事舍人。開文德省。置學士。與其子信。東海徐摛父子。吳郡張長公。北地傅宏。東海鮑至等。皆充其選。及簡文卽位。以肩吾爲度支尙書。後歷江州刺史。義陽太守。封武康侯。

謝東宮賚米啓

庾肩吾

漁水鳴蟬。香聞七里。瓊山合頰。租歸十縣。某人慙振藻。徒降雲間之松。職濫更繁。空散家承之俸。成珠委地。事重逢仙。遊玉爲糧。珍踰入楚。雖復激水滄流。不待監河之說。春風掃地。方諳文學之篇。

謝東宮賚古跡啓

庾肩吾

竊以仙巖遺傳。入握成塵。孔壁藏文。隨開已蠹。石書乍暗。廚畫猶飛。豈有跡經四代。年逾十紀。芝英雲氣之巧。未損松鉛。鵠反鸞驚之勢。不侵蒲竹。必使酒肆人來。池流色變。將損此海之牘。還代西河之簡。

謝歷日啓

庾肩吾

凌渠所奏。弦望既符。鄧平之言。錙銖皆合。登臺視朔。睹雲物之必書。拂管移灰。識權衡之有度。初開卷始。暫謂春留。未覽篇終。便傷冬及。徘徊厚渥。比日爲年。

蓀按齊東野語。載日歷隱謎云。都來一尺長。上面都是節。兩頭非常冷。中間非常熱。此雖俚諺。婦稚皆知。實乃脫胎此文。卷始篇終四語也。

謝賚朱櫻啓

庾肩吾

成叢殿側。猶連製賦之條。結實西園。非復粘蟬之樹。異合浦之歸來。疑藏朱實。同秦人之逐彈。似得金丸。

上魏書十志啓

魏收

臣收等啓。昔子長命世偉才。孟堅冠時特秀。憲章前詰。裁勒墳史。紀傳之間。申以書志。緒言餘迹。可得而聞。叔峻刪緝。後劉紹統。削撰季漢十志。實範遷固。表蓋闕焉。曹氏一代之籍。了無具體。典午終世之筆。罕云周洽。假復事播四夷。盜聽間有小道俗言。要奇好異。考之雅舊。咸乖實錄。自永嘉喪圯。中原淆然。偏僞小書。殆無可取。魏有天下。跨蹤前載。順未克讓。善始令終。陛下極聖窮神。奉天屈己。願盼百皇。指掌萬世。

深存有魏撫運之業。永念神州人倫之緒。臣等肅奉明詔。刊著魏籍。編紀次傳。備聞天旨。竊謂志之爲用。網羅遺逸。載紀不可。附傳非宜。理切必在甄明。事重尤應標著。搜獵上下。總括代終。置之衆篇之後。一統天人之迹。褊心未職。輒在於此。是以晚始撰錄。彌歷炎涼。採舊增新。今乃斷筆。時移世易。理不刻船。登閣含毫。論敘殊致。河溝往時之切。釋老當今之重。藝文前志。可尋官氏。魏代之急。去彼取此。敢率愚心。謹成十志二十卷。請續於傳末。并前例目合一百三十一卷。臣等妨官秉筆。迄無可採。塵黷旒冕。墮深冰谷。謹啓。

蓀按史例井然。殊未可以穢少之。

答陸澄書

王儉

易體微遠。實貫羣籍。施孟異聞。周韓殊旨。豈可專據小玉。便爲該備。一作輔依舊存鄭。高同來說。元凱注傳。超邁前儒。若不列學官。其可廢矣。賈氏注經。世所罕習。穀梁小書。無俟兩注。存糜略范。率由舊式。凡此諸義。並同雅論。疑孝經非鄭所注。僕以此書明百行之首。實人倫所先。七略藝文。並陳之六藝。不與蒼頡凡將之流也。鄭注虛實。前代不嫌。意謂可安。仍舊立置。

蓀按宰相通經術。明典禮。自漢代韋匡而外。如仲寶者鮮矣。此書與經義問答諸作。俱六朝僅見之文。源按澄字彥淵。吳郡人。永明時。國學置鄭王易。杜服春秋。何氏公羊。麋氏穀梁。鄭元孝經。澄以孝經小學之類。不宜列在帝典。作書與王儉論之。儉因答書。儉字仲寶。琅邪臨沂人。襲爵豫甯侯。幼有神彩。專

心篤學。手不釋卷。尙陽羨公主。拜駙馬都尉。歷官至尙書僕射。寡嗜欲。惟以經國爲務。車馬樸素。家無遺財。長於禮學。諳究朝儀。每博議。證引先儒。罕有其例。八座丞郎。無能異者。嘗謂人曰。江左風流宰相。唯有謝安。蓋以自喻也。年三十八卒。諡曰文憲。

與從叔永書

張融

融昔稱幼學。早訓家風。雖則不敏。率以成性。布衣葦帶。弱年所安。簞食瓢飲。不覺不樂。但世業清貧。民生多待。榛栗棗修。女贄旣長。束帛禽鳥。男禮已備。勉身就官。十年七仕。不欲代耕。何至此事。昔者三吳一丞。雖屢舛錯。今聞南康缺守。願得爲之。融不知階級。階級亦不知融。政以求丞不得。所以求郡。求郡不得。亦可復求丞。

蓀按一乞祿書耳。而鄙夷不屑之態自在。史稱其風止詭越。信然。

源按永字景雲。於宋後廢帝元徽二年。爲征北將軍。尋以兵潰發病卒。融字思光。吳郡吳人。本傳載與從叔征北將軍永書。此書當作於元徽二年也。又按融先爲新安王北中郎參軍。出爲封溪令。後還京師。舉秀才。對策中第。爲尙書殿中郎。不就。爲儀曹郎。免官。尋復位攝祠倉部二曹領事。尋兼掌廚正。自表解職。爲安成王撫軍倉曹參軍。轉南陽王友。皆在元徽之前。所謂十年七仕。具見於此。昔者三吳一丞。史作昔求三吳一丞。雖屢舛錯。屢當作屬。

登大雷岸與妹書

大雷在舒州望江縣。

鮑照

吾自發寒雨。全行日少。加秋潦浩汗。山溪猥至。渡沂無邊。險徑游歷。棧石星飯。結荷水宿。旅客貧辛。波路壯闊。始以今日食時。僅及大雷。塗登千里。日踰十晨。嚴霜慘節。悲風斷肌。去親爲客。如何如何。向因涉頓。憑觀川陸。遊神清渚。流睇方曠。東顧五州之隔。西眺九派之分。窺地門之絕景。望天際之孤雲。長圖大念。隱心者久矣。南則積山萬狀。爭氣負高。含霞飲景。參差代雄。凌跨長隴。前後相屬。帶天有匝。橫地無窮。東則砥原遠隰。亡端靡際。寒蓬夕卷。古樹雲平。旋風四起。思鳥羣歸。靜聽無聞。極視不見。北則陂池潛演。湖脉通連。葦蒿攸積。菰蘆所繁。栖波之鳥。水化之蟲。智吞恐。強捕小。號噪驚聒。紛物其中。西則迴江永指。長波天合。滔滔何窮。漫漫安極。創古迄今。舳艫相接。思盡波濤。悲滿潭壑。煙歸八表。終爲野塵。而是注集。長寫不測。修靈浩盪。知其何故哉。西南望廬山。又特驚異。基壓江湖。峰與辰漢。連接上常積雲霞。雕錦繡。若華夕曜。巖澤氣通。傳明散綵。赫似絳天。左右青鶴。表裏紫霄。從嶺而上。氣盡金光。半山以下。純爲黛色。信可以神居帝郊。鎮控湘漢者也。若深洞所積。溪壑所射。鼓怒之所虜擊。湧瀆之所宕滌。則上窮荻浦。下至獠州。南薄鸞爪。北極雷澗。削長埤短。可數百里。其中騰波觸天。高浪灌日。吞吐百川。寫泄萬壑。輕煙不流。華鼎振滂。溺草朱靡。洪漣隴盛。散渙長驚。電透箭疾。窮瀘崩聚。坻飛嶺覆。回沫冠山。奔濤空谷。礪石爲之。摧碎。碕岸爲之。盤落。仰視大火。俯聽波聲。愁魄脅息。心驚慄矣。至於繁化殊育。詭質怪章。則有江鵝海鴨。魚鮫水虎之類。豚首象鼻。芒鬚針尾之族。石蟹土蚌。燕箕雀蛤之儔。折甲曲牙。逆鱗返舌之屬。掩沙漲。被草渚。浴雨排風。吹澇弄翻。夕景欲沈。曉霧將合。孤鶴寒嘯。游鴻遠吟。樵蘇一嘆。舟子再泣。誠足悲憂。不可

說也。風吹雷慙。夜戒前路。下弦內外。望達所屆。寒暑難適。汝專自慎。夙夜戒護。勿我爲念。恐欲知之。聊書所視。臨塗草蹙。辭意不周。

明遠妹名令暉。有文才。能詩。見鍾嶸詩品。明遠嘗答孝武云。臣妹才自亞左芬。臣才不及太冲耳。

晉有大雷戍。陳置大雷郡。庾亮報溫嶠書。無過雷池一步。卽此。

蓀按古秀在骨。士龍答車茂安書。吳均與朱元思書。均不逮也。能彷彿其造句者。水經注而外。惟柳州小記近之。

源按結荷水宿。一作荷衣水宿。削長埤短埤。一作裨。

與尙書令王儉書

張 充

吳國男子張充。致書於琅玕王君侯侍者。頃日路長。愁霖韜晦。涼暑未平。想無虧攝。充幸以漁釣之間。鎌採之暇。時復以卷軸自娛。逍遙前史。從橫萬古。動默之路多端。紛綸百年。升降之徒不一。故以圓行方止。用之異也。金剛水柔性之別也。善御性者。不違金石之質。善爲器者。不易方圓之用。所以北海挂簪帶之高。河南降璽言之貴。充生平少偶。不以利欲干懷。三十六年。差得以棲貧自澹。介然之志。峭聳霜厓。確乎之情。峯橫海岸。影纓天閣。旣謝廊廟之華。綴組雲臺。終慙衣冠之秀。所以擯跡江臯。徉狂隴畔者。實由氣岸疎凝。情塗狷隔。獨師懷抱。不見許於俗人。孤秀神崖。每邈回於斯世。故君山直上。蹙壓於當年。叔陽靈舉。轉轆乎千載。充所以長羣魚鳥。畢影松阿。半頃之田。足以輸稅。五畝之宅。樹以桑麻。嘯歌於川澤之間。

諷詠於澗池之上。汎濫於漁父之游。偃息於卜居之下。如此而已。充何識焉。若夫鷲巖罩日。壯海逢天。竦石崩尋。分危落仞。桂闌綺靡。叢雜於山陰。松柏森幽。相繚於澗曲。元卿於是乎不歸。伯休亦以茲長往。若乃飛竿釣渚。濯足滄州。獨浪烟霞。高臥風月。悠悠琴酒。岫遠誰來。灼灼文談。空罷方寸。不覺鬱然千里。路阻江川。每至西風。何嘗不眷。聊因疾隙。略舉諸襟。持此片言。輕枉高聽。丈人歲路未強。學優而仕。道佐蒼生。功橫海望。入廟則協長倩之歲。出議則抗仲子之節。可謂盛德維時。孤松獨秀者也。素履未詳。斯旅尙眇。茂陵之彥。望冠蓋而長懷。霸山之氓。佇衣車而聳歎。得無惜乎。若鴻裝撰御。鶴駕軒空。則岸不辭枯。山被其潤。奇禽異羽。或曷際而逢迎。弱霧輕煙。乍林端而菴藹。東都不足奇。南山豈爲貴。充昆西之百姓。偕表之一民。蠶而衣。畊且食。不能事王侯。寃知己。造時人。騁游說。蓬轉於屠博之間。其歎甚矣。丈人早遇承華。中逢崇禮。肆上之眷。望溢於早辰。鄉下之言。謬延於造次。然舉世皆謂充爲狂。充亦何能與諸君道之哉。是以披聞見。掃心胸。述平生。論語默。所以通夢交魂。推衿送抱者。其惟丈人而已。關山疊阻。書罷莫因。儻遇樵者。妄塵執事。

充字延符。緒之子。少好逸游。緒嘗歸至吳。逢充獵。右臂鷹。左牽狗。遇緒船至。放縱脫鞵。拜于水次。緒曰。一身兩役。無乃勞乎。充跪曰。充聞三十而立。今充二十九矣。請至來歲。及明年。便修改。多所該通。歷尙書殿中郎。時尙書令王儉。方聚親賓。充縠巾葛帔。言論放逸。至便求酒。及聞武帝欲以緒爲尙書僕射。儉執不可。充愠與儉書云云。儉以書示緒。緒杖之百。御史中丞到摛奏免官。久之爲司徒諮議參軍。遷

義興太守爲政清靜。梁臺建以爲大司馬。諮議參軍。天監初爲吏部尙書。居選以平允稱。遷國子祭酒。登臺講說。皇太子皆出聽。出爲吳郡太守。下車卹貧老。故舊莫不欣悅。卒諡曰穆。

源按此書異同之本頗多。用之異也。用當作器。嘯歌於川澤之間。諷詠於澗池之上。二語南史作雖復。玉沒於訪珪之辰。桂掩於搜芳之日。琢句尤工。又金石之質。石當作水。若乃飛竿釣渚。若乃當作至於。

與荊州隱士劉虬書

蕭子良

王燭登年。金商在律。炎涼始貿。動靜惟安。勤味道腴。幸遵雅尙。豈不樂哉。僕誠幸甚。百姓一心。衆生不疾。比屋可封。將又何求。但良書獨擁。善談無析。願言之子。實瘳我心。所以不遠千里。尺書道意。自淳清旣辨。澆漓代襲。隱顯之術參差。默語之途紛互。或飾智以警愚。或激情以悟俗。或穢己以闡通。或謬歌以明道。屠羊馭馬。未足磷其堅。徉狂如愚。豈能緇其白。官楚蕃魏。人外之氣逾逸。入漢遊梁。區中之韻彌少。及權其輕重。品其得失。則淵懷洞賞。甯或符之。僕夙養閒襟。長慕出槩。迹塵珪組。心逸江湖。未而自親。聞風如舊。而迴駕之念徒軫。式閔之禮無階。固已佇軸深衷。傾筐遐路者矣。君矯然獨遠。確乎難拔。素志與白雲同悠。高情與青松共爽。宣習質文。緇林枯而重葺。昭辨空有。連河壅而復滔。所謂忘言之人。可論天人之際。豈能鳳舉鶴翻。有心儀萃。高踰愛海。比策禪衢。沾濠射之冥游。屈祇鷺之法侶。闡三乘於窮子。發二諦於困蒙。有是因也。何其暢歟。今皇風具穆。至道被宏。四海不溢。五嶽無塵。膠序肇修。經法敷廣。人賤瓊璜。家習禮讓。樵蘇必時。郊林全鬱。罌綱有節。鱗羽偕翔。至於層山絕澗。環帶幾畝。膏田沃野。亘望無繼。信可

以招往隱淪。栖集勝寄。故文舉築室治城之阿。次宗植木西山之麓。葛洪考槃於海岫。釋遠肥遁於鍾幽。每踐其遺蹤。輒深九原之嘆。若高步可遷。復可懷乎四子。昔宣尼之見伯雪。師利之往維摩。豈不知相忘之道哉。良有以也。未敘之間。爲道自愛一二。令陵琚之口具。

源按南齊書。虬字靈禎。一字德明。南陽涅陽人。永明三年。詔徵爲通直郎。不起。子良因作此書通意。虬答謝。精信釋氏。衣粗布衣。長齋禮佛。注法華經。徙居江陵之西沙洲。恆斷穀。餌木及胡麻。建武二年。徵國子博士。仍不出。其年冬。示微疾卒。之日。有白雲徘徊檐戶間。又有香氣馨馨之異。

與何胤論止殺書

周顒

丈人所以未極遐蹈。惑在於不全菜耶。挫折之升鼎俎。網罟之興載冊。其來實遠。誰敢干議。觀聖人之設膳羞。乃復爲之品節。蓋以茹毛飲血。與生民共始。縱而勿裁。將無崖畔。善爲士者。豈不以恕己爲懷。是各靜封疆。罔相陵轢。況乃變之大者。莫過死生。生之所重。無過性命。性命之於彼極切。滋味之於我可賒。而終身朝晡。資之以永歲。彼就怨酷。莫能自伸。我業長久。吁哉可畏。且區區微卵。脆薄易矜。獸彼弱麀。顧步宜愍。觀其飲啄飛忱。使人憐悼。況可甘心撲攬。加復恣意吞嚼。乃至野牧成羣。間象重圍。量肉揣毛。以俟支剝。如土委地。僉謂常理。可爲愴息。事豈一途。若云三世理誣。則幸矣。良快。如使此道果然。而受形未息。一往一來。生死常事。雜報如家人。天如客。過客日少。在家日多。吾修信業。未足常免。則傷心之慘。行亦自念。丈人於血氣之類。雖不身殘。至於晨晷夜醜。不能不取備屠門。財貝之一經盜手。猶爲廉士所棄。生性

之一啓鸞刀。甯復慈心所忍。騶虞雖飢。非自死之草不食。聞其風。豈不使人多愧恥。

此書載顛本傳。問象重圈。問史作閉。末句豈不使人多愧。無恥字。

源按顛字彥倫。汝南安城人。清貧寡欲。終日長蔬食。文惠太子嘗問菜食何味最勝。彥倫曰。春初早韭。秋末晚菘。時何脂侈於味。食必方丈。後稍欲去其甚者。猶食白魚。鮓脯。糖蟹。彥倫作書勸其菜食。脂末年遂絕血味。此書字句與史多有不同。末句下。史尙有衆生之稟。此形質以畜醜一。皆由其積壅癡迷。沈流莫反。報受穢濁。歷苦酸長。此甘與肥。皆無明之報聚也。何至復引此滋腴。自汗腸胃。丈人得此有素。聊復片言。發起耳。等句。後子季山居戒殺。有虞人逐鹿。鹿徑來趨子季。伏而不動。並有異鳥如鶴。紅色。集講堂。馴狎如家禽。又按彥倫音辭辨麗。長於佛理。明帝好談元。嘗引入殿內宿直。見所爲慘毒。彥倫不敢顯諫。輒誦經中因緣罪福事。帝亦爲之小止。

答陶宏景論書書二

梁武帝

又省別疏云。故當宜微以著賞。此旣勝事。雖風訓非嫌。然非所習。聊試略言。夫運筆邪則無芒角。執手寬則書緩弱。點掣短則法臃腫。點擊長則法離漸。畫促則字橫。畫疎則字形慢。拘則乏勢。放又少則。純骨無媚。純肉無力。少墨浮澁。多墨笨鈍。比並皆然。任意所之。自然之理也。若抑揚得所。趣舍無違。隨筆廉斷。觸勢峯鬱。揚波折節。中規合矩。分間下注。濃纖有方。肥瘦相和。骨力相稱。婉婉矍矍。視之不足。稜稜凜凜。常有生氣。適眼合心。便爲甲科。衆家可識。亦當復貫串耳。六義可工。亦當復由習耳。一聞能持。一見能記。且

古且今。不無其人。大抵爲論。終歸是習。程邈所以能變書體爲之舊也。張芝所以能善書。工學之積也。既舊且積。方可以肆其談。吾少來乃至不能嘗畫甲子。無論於篇紙。老而言之。亦復何謂。正足見嗤於當今。貽笑於後代。遂有獨冠之言。覽之背熱。隱真於是乎。累真矣。此直一藝之精。非吾所謂勝事。此道心之塵。非吾所謂無欲也。

蓀按帝論書書凡四篇。此尤古雅。紀謂草隸尺牘。莫不奇妙。可於此論徵之。

與何胤書

昭明太子

園公道勝。漢盈屈節。春卿明經。孝莊北面。況乃義兼乎此。而顧揆不肖哉。但經途千里。眇焉莫因。何嘗不夢姑胥而鬱陶。想具區而杼軸。心往形留。於茲有年載矣。方今朱明在謝。清風戒寒。想攝養得宜。與時休適。耽精義。味元理。息囂塵。玩泉石。激揚碩學。誘接後進。志與秋天競高。理與春泉爭溢。樂可言乎。樂可言乎。豈與口饜芻豢。耳聆絲竹者之娛。同年語哉。方今秦階端平。天下無事。修日養疾。差得從容。每鑽閱六經。汎濫百氏。研尋物理。願略清言。旣以自慰。且以自警。而才性有限。思力匪長。熱疾憤其神。風眩弊其體。多慙過目。釋卷便忘。是以蒙求之懷。於茲彌軫。

蓀按諸本於茲彌軫下。尙有聊遣典書陳顯宗。申其蘊結。想敬缺宜。此豈盡意。十八字。今坊間四六法海本無之。豈以其不可句讀故耶。

答湘東王求文集詩苑書

昭明太子

得疏。知須詩苑英華。及諸文製。發函伸紙。閱覽無輟。雖事涉烏有。義異等倫。而清新卓爾。殊爲佳作。夫文典則累野。麗則傷浮。能麗而不浮。典而不野。文質彬彬。有君子之致。吾嘗欲爲之。但恨未逾耳。觀汝諸文。殊與意會。至於此書。彌見其美。遠兼邃古。傍槩典墳。學以聚益。居焉可賞。吾少好斯文。迄茲無倦。談經之暇。斷務之餘。陟龍樓而靜拱。掩鶴關而高臥。與其飽食終日。甯游思於文林。或日因陽春。具物韶麗。樹花發。鶯鳴和。春泉生。暄風至。陶嘉月而熙游。藉芳草而眺矚。或朱炎受謝。白藏紀時。玉露夕流。金風時扇。悟秋士之心。登高而遠託。或夏條可結。倦於邑而屬詞。冬雪千里。覩紛霏而興詠。密親離則手爲心使。昆弟宴則墨以歡露。又愛賢之情。與時而篤。冀同市駿。庶匪畏龍。不追子晉。而事似洛濱之游。多愧子桓。而興同漳川之賞。漾舟元圃。必集應阮之儔。徐輪博望。亦招龍淵之侶。校覈仁義。源本山川。旨酒盈鬯。嘉肴益俎。曜靈旣隱。繼之以朗月。高春旣夕。申之以清夜。並命連篇。在茲彌博。又往年因暇。搜採英華。上下數十年。未易詳悉。猶有遺恨。而其書已傳。雖未爲精覈。亦忖足諷覽。集乃不工。而並作多麗。汝旣須之。皆遣送也。某啓。

太子嘗使劉孝綽撰錄文集爲十卷。隋經籍志云。古今詩英華十九卷。梁昭明太子撰。蘇按姚察書本傳。稱太子所著文集二十卷。又撰古今典誥文言。爲正序十卷。五言詩之善者。爲文章英華二十卷。文選三十卷。與隋志所載小異。當以姚書及南史爲準。

與蕭臨川書

簡文帝

零雨送秋。輕寒迎節。江楓曉落。林葉初黃。登舟已積。殊足勞止。解維金闕。定在河日。八區內侍。厭直御史之廬。九棘外府。且息官曹之務。應分竹南川。剖符千里。但黑水初旋。未申十千之飲。桂宮既啓。復乖雙闕之宴。文雅縱橫。卽事分阻。清夜西園。眇然未尅。想征鱸而結歡。望桂席而霑衿。若使宏農書疏。脫還鄴下。河南口占。儻歸鄉里。必遲青泥之封。且觀朱明之詩。白雲在天。蒼波無極。瞻之岐路。眷慨良深。愛護波潮。敬勗光彩。

源按梁書。蘭陵蕭子雲本傳。以祕書郎遷太子舍人。中大通元年。轉太府卿。三年出爲臨川內史。簡文此書疑是贈別子雲之作。

答徐摛書

簡文帝

山濤有言。東宮養德而已。但今與古殊。時有監撫之務。竟不能黜邪進善。少助國章。獻可替不。仰禕聖政。以此慙惶。無忘夕惕。驅馳五嶺。在戎十年。險阻艱難。備更之矣。觀夫全軀具臣。刀筆小吏。未嘗識山川之形勢。介冑之勤勞。細民之疾苦。風俗之嗜好。高閣之閒可來。高門之地徒重。玉饌羅前。黃金在握。浞營粟斯。容與自熹。亦復羲軒以來。一人而已。使人見此。良足長嘆。

蓀按昭明稱帝所作。謂首尾裁淨似指此稱文而言。

源按摛字士秀。一字士績。東海郟人。博覽經史。屬文好變易舊格。爲晉安王諮議。王總戎北侵。以摛兼官蠻府長史。參贊戎政。教命軍書。多出其手。及王入爲皇太子。轉家令。兼掌管記。尋帶領直。後侯景攻

陷臺城。簡文嗣位。被閉。搗不獲朝謁。感氣憤卒。諡曰貞。

答張纘謝示集書

簡文帝

網好文章。於今二十五載矣。竊嘗論之。日月參辰。火龍黼黻。尙且著於元象。章乎人事。而況文辭可止。詠歌可輟乎。不爲壯夫。揚雄實小言破道。非謂君子。曹植亦小辨破言。論之科刑。罪在不赦。至如春庭落景。轉薰承風。秋雨且晴。簷梧初下。浮雲生野。明月入樓。時命親賓。乍動嚴駕。車渠屢酌。鸚鵡驟傾。伊昔三邊。久留四戰。胡霧連天。征旗拂日。時聞塢笛。遙聽塞笳。或鄉思悽然。或雄心憤薄。是以沈吟短翰。補綴庸音。寓目寫心。因事而作。

答定襄侯餉臥篋書

簡文帝

筠篋多品。篠簜雜名。校色比奇。獨此爲貴。自含蒼紫。似久暴於柯亭。乍舒黝素。若屢沾於湖水。三伏餘炎。九折成用。便可旅食南館。高臥北窗。

源按定襄侯名祗。字敬謨。南平元襄王偉子。少有令譽。爲皇太子愛賞。

答南平嗣王餉舞篋書

簡文帝

濯龍之木。文屬飾壇。淮南之臺。紫羅爲薦。未若五離九折。出桃枝之翠筍。綺爛霞舒。制雲母之修竹。南湖點淚。喻此未奇。東宮赤花。擬之非妙。

源按南平嗣王名恪。字敬則。宏雅有風則。姿容端麗。少年卽出爲雍州刺史。未閑庶事。悉委羣下。百姓

每通一詞。必數處輸錢方得達。時有江仲舉、蔡蘧、王臺卿、庾仲雍四人。俱被禮接。民間歌曰。江千萬。蔡五百。王新車。庾大宅。遂達武帝。帝爲續曰。主人憤憤不如客。尋召還。帝以民間歌問之。恪大慚。不敢出一語。後折節學問。所歷以善政稱。






3
4
1829

南北朝文鈔

二



叢書集成

初編

主編者
王雲五

商務印書館發行



鈔文朝北南
(二)



輯蒸兆彭

南北朝文鈔卷下

答蕭子雲上飛白書屏風書

簡文

得所送飛白書。纖屏風十牒。冠六書而獨美。超二篆而擅奇。乍寫星區。時圖鳥翅。非觀待金璫。便視蟬翼。問諸衣帛。前哲未巧。懸彼帳中。昔賢掩色。



源按子雲字景喬。齊豫章文獻王嶷子。建武四年。封新浦侯。梁天監初。降為子。弱冠。便留心譚著。成晉書一百一十卷。詔付祕閣。起家祕書郎。遷太子舍人。又讓東宮新記二十卷。遷北中郎外兵參軍。晉安王文學。司徒主簿。丹陽尹丞。中大通三年。出為貞威將軍。臨川內史。在郡以和理稱。民吏悅之。累遷侍中國子祭酒。善草隸。為世楷法。高祖嘗論其書曰。筆力勁駿。心手相應。巧踰杜度。美過崔寔。常與元常並驅爭先。其見賞如此。百濟國使人至。建鄴求書。適子雲為郡。維舟將發。使人於渚次候望。子雲遣問。答曰。侍中尺牘之美。遠流海外。今日所求。惟在名迹。子雲為停舟三日。書三十紙與之。獲金貨數百萬。

答新渝侯和詩書

簡文帝

垂示三首。風雲吐於行間。珠玉生於字裏。跨躡曹劉。含超潘陸。雙鬢向光。風流已絕。九梁插花。步搖為古。高樓懷怨。結眉表色。長門下泣。破粉成痕。復有影裏細腰。令與真類。鏡中好面。還將畫等。此皆性情卓絕。新致英奇。故知吹簫入秦。方識來鳳之巧。鳴瑟向趙。始睹駐雲之曲。手持口誦。喜荷交并也。

083
1124

2:1830

源按新渝侯名映。字文明。始興忠武王憺子。聰慧能文。特被東宮友愛。常預密宴。歷官至給事黃門郎。廣州刺史。卒諡曰寬。

與湘東王論文書

簡文帝

吾輩亦無所遊賞。止事披閱。性既好文。時復短詠。雖是庸音。不能閣筆。有慙伎癢。更同故態。比見京師文體。懦鈍殊常。競學浮疎。爭爲闡緩。元冬修夜。思所不得。既殊比興。正背風騷。若夫六典三禮。所施則有地。吉凶嘉賓。用之則有所未聞。吟咏情性。反擬內則之篇。操筆寫志。更摹酒誥之作。遲遲春日。翻學歸藏。湛湛江水。遂同大傳。吾既拙於爲文。不敢輕有掎摭。但以當世之作。歷方古之才人。遠則揚馬曹王。近則潘陸顏謝。而觀其造辭用心。了不相似。若以今文爲是。則昔賢爲非。若昔賢可稱。則今體宜棄。俱爲盡各。則未之敢詳。又時有效謝康樂。裴鴻臚。文者亦頗有感焉。何者。謝客吐言天拔。出於自然。時有不拘。是其糟粕。裴氏乃是良史之子。了無篇什之美。是爲學謝則不屆其精華。但得其冗長。師裴則蔑絕其所長。惟得其所短。謝故巧不可階。裴亦質不宜慕。故胸馳臆斷之侶。好名忘實之類。方分肉於仁獸。遑卻步於邯鄲。入庖忘臭。效尤致既。決羽謝生。豈三千之可及。伏膺裴氏。懼兩唐之不傳。故玉徽金銑。反爲拙目所囁。巴人下里。更合郢中之聽。陽春高而不和。妙聲絕而不尋。竟不精討錙銖。核量文質。有異巧心。終愧妍手。是以握瑜懷玉之士。瞻鄴邦而知退。章甫翠履之人。望蠻鄉而嘆身。詩既若此。筆又如之。徒以煙墨不言。受其驅染。紙札無情。任其搖蕩。甚矣哉文之橫流。一至於此。至於近世。謝朓沈約之詩。任訪陸鍾之筆。斯實

文章之冠冕。述作之楛模。張士簡之賦。周升逸之辯。亦成佳手。難可復遇。文章未墜。必有英絕。領袖之者。非弟而誰。每欲論之。無可與晤。思言子建。一共商榷。辯茲清濁。使如涇渭。論茲月旦。類彼汝南。朱丹既定。雌黃有別。使夫懷鼠知慙。濫竽自恥。譬斯袁紹。畏見子將。同彼盜牛。遙羞王烈。相思不見。我勞如何。

永明中。王融、謝朓、沈約、文章始用四聲。以爲新變。至是庾徐父子。轉拘聲韻。彌爲麗藻。簡文論及之。

此依梁書本。續文選依南史。比此少數語。

古諺云。山川而能語。葬師食無所。肺腑而能語。醫師色如土。此書煙墨一聯實祖此。

源按歷方古之才人。方當作萬。良史之子。子當作才。望蠻鄉而歎身。身當作息。

答齊國餉雙馬書

梁元帝

名重桂條。形圖柳谷。襄陽地穴。近求未易。滇池水裏。遠訪猶難。價匹龍媒。聲齊驥子。河精曜采。似伏波之名。鑄銅震象。飛文笑東瀛之刻玉。加以控斯銀勒。利此金銜。鞍揭鏤衢。光含兩月。纒縈紫縷。色麗雙絲。方嗤晉后。恆乘鄭國之駟。更鄙曹君。輕餉蜀王之馬。

與武陵王書

梁元帝

甚苦大智。季月煩暑。流金鑠石。聚蚊成雷。封狐千里。以茲玉體。辛苦行陣。乃眷西顧。我勞如何。自獯醜憑陵。羯胡叛渙。吾年爲一日之長。屬有平亂之功。膺此樂推。事歸當璧。儻遣使乎。良所遲也。如曰不然。於此投筆。友于兄弟。分形共氣。兄肥弟瘦。無復相待之期。讓棗推梨。長罷懽愉之日。上林靜拱。聞四鳥之哀鳴。

宣室披圖。嗟萬始之長逝。心乎愛矣。書不盡言。

武陵王紀。武帝第八子。帝特愛之。以爲都督益州刺史。曰。天下方亂。惟益州可免。故以處汝。帝崩。紀稱帝于蜀。元帝時與紀書。許其專制岷方。紀報如家人禮。已而兵屢敗。遣使論和。元帝不許。樊猛獲紀。紀曰。卿送我。一見七官。猛曰。天子何由可見。并其子殺之。大智。武陵小字也。○每覽蕭氏自相屠僂。輒爲酸鼻。當時諸人。若不著天子癖于胸中。不失爲長安布衣也。

源按無復相待之期待。史作代。

與肅諮議等書

梁元帝

蓋聞圓光七尺。上暎眞珠之雲。而門五色。傍臨珊瑚之地。化爲金案。奪麗水之珍。變同珂雪。高元霜之彩。豈不有機。則感感而遂通。有神則智。智而必斷。故碧玉之樓。升堂未易。紫紺之殿。入室爲難。必須五更之信。以信爲首。六度之檀。以檀爲上。故能捨才從信。去有卽空。率斯而談。良可知矣。竊以瑞像放光。倏將旬日。蹈舞之深。形於寤寐。抃躍之誠。結於興寢。稍覺十字之蒸。嗚何曾之饌。五鼎之味。笑主偃之辭。鼈羹鱗脯。空聞其說。羊酪猩脣。曷足云也。困于酒食。未若過中不餐。螺蜆登俎。豈及春蔬爲淨。欲吾于三日潔齋。自寅至戌。一中而已。自有米如玉。銳鹽類虎形。雲夢之芹。遼東之藻。十斤之梨。千樹之橘。青筍紫薑。固栗霜棗。適口充腸。無索弗獲。八功德水。竝入法流。四土俱至。偕讓宏道。同志爲友。豈不盛歟。

源按史蕭介本傳。普通三年。爲湘東王諮議參軍。元帝此書。疑是與介之作。介字茂鏡。蘭陵人。穎悟有

器識。歷官都官尙書。多所匡正。高祖甚重之。中大同元年。以疾辭職。太清中。聞帝許納侯景。上表極諫。帝省表歎息。卒不能用。年七十三。卒於家。

與交友論隱書

江淹

淹者。海濱窟穴。弋釣爲伍。自度非奇力異才。不足聞見於諸侯。每承梁伯鸞臥於會稽之墅。高伯達坐於華陰之山。心常慕之。而未能及也。嘗感子路之言。不拜官而仕。無青組紫紱龜紐虎符之志。但欲史歷巫卜。爲世俗賤事耳。而黻然十載。竟不免衣食之敗。何則。性有所短。不可韋弦者有五。一則體本疲緩。臥不肯起。二則人間應修。酷嬾作書。三則賓客相對。口不能言。四則性甚畏動。事絕不行。五則愚憚妄發。輒被口語。有五短而無一長。豈可處入問邪。知短而不可易者。所謂輪椎分定也。猶如雞鶩之有毛。不能得鸞鳳之光彩矣。況今年已三十。白髮雜生。長夜輾轉。亂憂非一。以溘至之命。如星殞天。促光半路。不攀長意。徒自欺取。筋驚髓冷。殊多災恙。心頑質堅。偏好冥默。旣信神農服食之言。久固天竺道士之說。守清淨。煉神丹。心甚愛之。行善業。度一世。意甚美之。今但願拾薇蕘。誦詩書。樂天理性。斂骨折步。不踐過失之地耳。猶以妻孥未奪。桃李須陰。望在五畝之宅。半頃之田。鳥赴簷上。水匝階下。則請從此隱。長謝故人。若乃登峨眉。度流沙。餐金石。讀仙經。嘗聞其驗。非今日之所言也。誰謂難知。青鳥明之。貴布筆墨。然亦焉足道哉。王志堅曰。文通自敘及此二書。皆開退止足之語。雖仕宦終身。其素心微尙。可想而知也。晚節委蛇。自食其報。較之沈范。何啻霄壤。

源按文通、濟陽考城人。被梁高祖知遇。軍書表記。嘗使其草。歷官至散騎常侍左衛將軍。封臨沮伯。卒諡曰憲。王志堅所云二書。其人報袁叔明書。末云。一旦松柏被地。墳壘刺天。何時復能銜杯酒乎。與此書大旨相同。中有句云。涼秋陰陰。獨立閒館。輕塵入戶。飛鳥無迹。又如方今仲秋風飛。平原影色。水鳥立於孤洲。蒼葭變於河曲。俱極慄麗。

與陶隱居

太元真人

若夫能眇邈於當世。則所重惟身也。罕營外難者。則無死地矣。是以古之學者。握元筌以藏傾。匿穎鏡於紛務。凝神乎山巖之庭。頤真於逸谷之津。於是散髮高岫。經緯我生。暉暉景曜。採吸五靈。遊躡九道。登元溜形。投思絕空。人事無營。閉存之氣。研諸妙精。故能迴日薄之年。反爲童嬰耳。苟事累沙會。交軒塞路。但所守之不能曷也。何試按之能停耶。物物相邀。觸類興患。天人之眊。豈時漏哉。所司賞於修業。所試在於不日。新矣賈生。近以此書來託。向聲聲可謂有情。然無逝我梁。有似逆詐耳。

蓀按通明當梁禪時。遙上圖籙。獻誠革命。後世疵之。要其遺榮謝世。超然人外。軼塵之槩。不可誣也。華陽諸頌。洞參元諦。世或真有神仙。此書亦登真隱訣之佐乎。

答虞仲書

陶宏景

栖六翮於荆枝。望綺雲於青漢者。有日於茲矣。而春華來被。草石開鮮。辭動情端。志交衿曲。信知鄰德之談。無虛往牘。夫子雖迹躔朱閣。而心期岱嶺。豈但散髮乎高岫。似將飛霜於絕谷。良爲欽哉。野人幸得託

形崇阜。息影長林。每對月流嘆。臨風軫慨。徒事累可豁。而髮容難待。自非齊生死於一致者。孰不心熱者乎。舉世悠悠。孰云同此。儻遇知己。相與共愛。竭來虞公。茲焉可邁。何爲栖栖。空勞鼓缶。迨及暇日。有事還童。不亦皎潔當年。而無忤前脩也。

源按宏景字通明。亦稱隱居。丹陽秣陵人。幼有異操。常以荻畫灰中學書。後得葛洪神仙傳。晝夜研尋。便有養生之志。謂人曰。仰青雲。視白日。不爲遠矣。讀書萬餘卷。善琴棋。工草隸。齊高帝作相。引爲諸王侍讀。雖在朱門。閉影不交外物。永明十年。上表乞歸。公卿祖餞。車馬填咽。朝野榮之。曾夢佛授菩提記。名爲勝力菩薩。乃詣鄮縣阿育王塔自誓。受五大戒。梁大同二年卒。時年八十有五。諡曰貞白先生。

爲庾杲之與劉居士虬書

任 昉

自別荆南。倏將二紀。杲之牽滯形有。推遷勿保。丈人沒志外身。超然獨善。雖心路咫尺。而事阻山河。悠悠白雲。依然有道。金涼佇運。想恆納宜。冲明在衿。履候無爽。體道爲用。蹈理則和。杲之牽綴疲朽。愧心已多。訪德則山林窅然。觀道則風雲自遠。歲暮之期。指塗衡岳。神虛氣懋。無待怡和。江湖相望。安事行李。司徒竟陵王。茂於神者。言象所絕。接乎士者。遐邇所宗。鐘石非禮樂之本。纓褐豈朝野之謂。想闡投之懷。不以形體爲阻。一日通籍梁邸。親奉話言。夢想清塵。爲歲已積。以大人非羔鴈所榮。故息蒲幣之典。勝寄冥運。諒有風期之遲。君王卜居郊郭。縈帶川阜。顯不絢功。晦不標迹。從容乎人野之間。以窮二者之致。且宏護爲心。廣孚真俗。思聞繫表。共剖衆心。妙域筵山河。虛館帶川浚。實望賁然。少酬側遲。昔東平樂善。旌君大

於東閣。今王愛素。致吾子於西山。豈不盛歟。百齡飄驟。凝滯自物。千載一朝。爲仁由己。且如陵雪戒塗。非滅迹之郊。鴻鐘在御。豈銷聲之道。已標異人之迹。故有同物之勞。夫山水無情。應之以會。愛閒在我。觸目蕭條。衡岳何親。鍾嶺何薄。想宏思有在。不俟繁言。

杲之字景行。清貧自業。食惟菹菹。嘗對魏使。使問曰。百姓那得家家題門帖賣宅。答曰。朝廷旣欲埽蕩京洛。克復神州。所以家家賣宅耳。魏使縮鼻不答。

蓀按虬爲竟陵所徵。作牋辭謝。杲之此書亦爲王而作。然本傳。杲之曾未爲竟陵官屬。惟稱常時諸王年少。不得妄接人。敕杲之及濟陽江淹。五日一詣諸王。使申游好。此書之作。殆其時乎。

源按防字彥昇。小字阿堆。樂安博昌人。杲之新野人。幼有孝行。爲尙書郎。食惟藜藿。生韭等雜菜。防嘗戲之曰。誰謂庾郎貧。食鮭常有二十七種。俱爲琅邪王儉所欽重。防居喪廬墓。哭泣之地。草爲不生。雅善屬文。尤長載筆。當世王公表奏。皆屬其具稿。梁高祖踐祚。拜黃門侍郎。遷吏部郎。御史中丞。祕書監。出爲義興新安太守。爲政清省。兒妾食麥而已。每曳杖徒行。邑郭民通詞訟。輒就路裁決。天監六年卒。諡曰敬。防不治生產。好交結。獎進士友。得其延譽者。率多升擢。故衣冠貴游。座客常滿。東海王僧孺論之。以爲過於董生揚子。樂人之樂。憂人之憂。虛往實歸。忘貧去吝。行可以勵風俗。義可以厚人倫。其見重如此。歿後。諸子流離漂盪。冬月著葛帔練裘。罕有贍卹者。

北使還與永豐侯書

劉潛

足踐寒地。身犯朔風。暮宿客亭。晨炊謁舍。飄飆辛苦。迄屆氈薶。雜種單化。頗慕中國。兵傳李緒之法。樓擬衛律所治。而蠶幘難淹。酪漿易糜。王程有限。時及玉關。射鹿胡奴。乃共歸國。刻龍漢節。還持入塞。馬銜苜蓿。嘶立故墟。人獲苟苟。歸種舊里。稚子出迎。善鄰相勞。倦握蟹螯。亟覆蝦蜆。每取朱顏。略多自醉。用此終日。亦以自娛。

蓀按此孝儀聘東魏還時作也。永豐侯。梁蕭攜。傳見周書。

源按永豐侯。字智遐。梁安成王秀子。性溫裕能文。侯景亂。後入魏。與瑯邪王褒等。俱爲文學博士。校定經史。保定三年。出爲上州刺史。以仁恕禮讓爲政。嘗至元日。獄中囚繫。悉放歸家。聽三日後赴獄。主者堅執不可。攜曰。昔王長虞延。見稱前史。吾雖寡德。竊懷景行。導民以信。方自今始。以之獲罪。彌所甘心。幸弗慮。諸囚荷恩感泣。並依限至。吏民稱其德化。歷官至少傅。封蔡陽郡公。卒諡曰襄。

答劉之遴借類苑書

劉峻

九冬有隙。三餘暇時。多遊書圃。代樹萱蘇。若夫采麀麀於湘沅。閱微言於殘竹。嗚飲膏液。咀嚼英華。不知地之爲輿。天之爲蓋。靡測迴塘。莫辨輿馬。烏足以言乎。是用周流墳索。詳觀圖牒。搦管聯冊。纂茲英奇。蚤蚤之謀。止於善草。周周之計。利在銜翼。故鳩集斯文。蓋自綴其漏耳。豈冀藏之名山。播於士大夫哉。

初劉峻爲安成王戶曹參軍。使撰類苑一百二十卷。武帝惡峻。命學士撰華林類略以高之。之遴字思貞。虬之子。元帝嫉其才。密送藥殺之。乃自製誌銘。厚其賻贈。

源按峻字孝標平原人家貧好學寄人廡下自課讀書常燎麻炬從夕達旦時或昏睡藝其髮既覺復讀終夜不寐其精進如此

與宋玉山元思書

劉峻

驅馬金張之館飛蓋許史之廡習匡鼎之說詩聘谷雲之雕篆賓徒波湧輿輪靡息當是時也樂可言哉然靜思夫君猷焉軫嘆何則方鑿圓枘鉏鋸難從翔鳥游魚蹉跎不狎是以賈生懷琬琰而挫翮馮子握瑱璠而鍛羽天誕英逸獨擅民秀心貞筠箭德潤珪璋信人水鏡一性鎔範而荆南雅曲高音鮮和河西名驥滅沒誰賞故若先生者進有三難退有三樂竊觀先生未能鴻翔鸞起騰霞躋漢將由囿空桑麻田無負郭俛眉翕肩以斯故爾今賢弟賓從抗麟奮翼或衣繡江塘或鳴騶洛渚連騎方驅擊鐘乃食蓴跗若是吾子復何憂哉惟當纂兩仲之微跡襲二疏之風流生與漁父同嬉死葬要離墓側金石可碎聲華無寂斯道坦坦先生幸其曷與

爲衡山侯與婦書

何遜

昔人遨遊洛汭會遇陽臺神女髣髴有如今別雖帳前微笑涉想猶存而握裏餘香從風且歇掩屏爲疾引領成勞鏡想分鸞葉悲別鶴心如膏火獨夜自煎思等流波終朝不息始知萋萋萱草忘憂之言不實團團輕扇合歡之用爲虛路邈人遐音塵寂絕一日三秋不足爲喻弗陳往翰寧寫款懷遲枉瓊瑤慰其杼軸

源按遜，字仲言，東海郟人。歷官尚書水部郎。八歲能詩賦。與彭城劉孝綽並稱。世謂之何劉。歿後，東海王僧孺集其文爲八卷。衡山侯名恭，字敬範。梁南平王偉子。與其弟定襄侯祗，俱爲簡文所賞愛。嘗預東宮盛宴。

與詹事江總書

陳後主

管記陸瑜奄然殞化，悲傷悼惜，此情何已。吾生平愛好，卿等所悉。自以學涉儒雅，不逮古人。欽賢慕士，是情尤篤。梁室亂離，天下糜沸。書史殘缺，禮樂崩淪。晚生後學，匪無牆面。卓爾出羣，斯人而已。吾識覽雖局，未曾以言議假人。至於片善小才，特用嗟賞。況復洪識奇士，此故忘言之地。論其博綜子史，諳究儒墨，經耳無遺。觸目成誦，一褒一貶，一激一揚。語元析理，披文摘句，未嘗不聞者心伏。聽者解頤，會意相得。自以爲布衣之賞，吾盍撫之暇，事隙之辰，頗用譚笑娛情。棊樽間作，雅篇豔什，迭互鋒起。每清風朗月，美景良辰，對羣山之參差，望巨波之澗瀼。或翫新花，時觀落葉。旣聽春鳥，又聆秋鴈。未嘗不促膝舉觴，連情發藻。且代琢磨，間以嘲諢，俱怡耳目。竝留情膝，自謂百年爲速。朝露可傷，豈謂玉折蘭摧。遽從短運，爲悲爲恨。常復何言。遺迹餘文，觸目增滋。絕絃投筆，恆有酸恨。以卿同志，聊復敘懷。涕之無從，言不寫意。

源按陸瑜，字幹玉，吳郡人。後主爲太子時，引兼東宮管記。以子集繁多，命瑜抄撰。未就卒。太子流涕，爲文祭之。仍與江總此書，論述其美。

復王少保書

周宏讓

甚矣悲哉。此之爲別也。雲飛泥沈。金鑠蘭滅。玉音不嗣。瑤華莫因。家兄至自鎬京。致來書於窮谷。故人之跡。有如對面。開題申紙。流臉沾膝。江南燠熱。橘柚冬青。渭北沍寒。楊榆晚葉。土風氣候。各集所安。餐衛適時。寢興多福。甚善甚善。與弟分袂西陝。言反東區。雖保周陂。還依蔣徑。三荆離析。二仲不歸。麋鹿爲曹。更多悲緒。丹經在握。貧病莫諧。芝朮可求。聊因采掇。昔吾壯日。及弟當年。俱值邕熙。竝歡衡泌。南風雅操。清商妙曲。絃琴促坐。無乏夕晨。玉瀝金華。冀獲難老。不虞一旦。翻覆波瀾。吾已惕陰。弟非茂齒。禽尙之契。各在天涯。永念生平。難爲胷臆。正當視陰數箭。排愁破涕。人生樂耳。憂戚何爲。豈能遽悲次房。遊魂不反。遠傷金產。骸柩無託。但願愛玉體。珍金相保。期頤享黃髮。猶冀蒼鴈頰鯉。時傳尺素。清風朗月。俱寄相思。子淵子淵。長爲別矣。握管操觚。聲淚俱咽。

源按宏讓汝南安城人。時王褒在北周。爲太子少保。有寄梁處士宏讓書。此其覆書也。

與徐陵薦方圓書

周宏讓

吾荷朝恩。得安邱壑。身名兩泰。夫復奚言。但願沐浴堯風。遨遊舜日。安服飽食。以送餘齒。然性靈未能灰弭。其間復須友生。言晤後來。英俊並出。方爲時生。林谷之中。鮮逢退逸。惟趙郡方圓。栖遲天目。年過強仕。不慕時榮。文史足用。學藝優敏。中歲暫游宛洛。蒙弟識異其人。方儲之允。衣冠未絕。雅奉閒逸。得性邱林。與吾朋游。積有年歲。今復同在巖壑。畢志風雲。琴按清商。詩題空谷。比幽貞道缺。考槃絕詠。賞五履二兩。爰無聞。方今公旦作輔。億兆攸賴。激貪懲競。儻自圓起。弟以摯揚佐世。水鏡求賢。脫能登此仄陋。綸言是

屬翹弓遠賁。則山谷咸勸。足令廉風復振。懦夫能立。豈不宏哉。圓若蒙此旌招。未必不鑿坏而達於廊廟之用。脫不能賁然來思。而於退讓之道。於斯爲貴。恐弟未究東川人士。聊復起余。今言吾家上宰之貴。無以徵神萬一。此舉脫復入聽。少得不負夙心。宏讓白。

宏讓。顛之族孫。與兄宏正。弟宏直。號三周。始仕不得志。隱句容茅山。朝徵不出。已而爲侯景中書侍郎。人問其故。曰。吾畏死耳。承聖中。爲國子祭酒。入陳。天嘉初。以白衣領太常光祿大夫。

與徐陵請王琳首書

朱瑒

竊以朝市遷貿。時傳骨鯁之風。歷運推移。間表忠貞之迹。故典午將滅。徐廣爲晉家遺老。當塗已謝。馬孚稱魏室忠臣。用能播美前書。垂名後世。梁故建甯公琳。洛濱餘胄。沂州舊族。立功代邸。效績中朝。當離亂之辰。總藩伯之任。爾乃輕躬殉主。以身許國。實追蹤於往彥。信踵武於前修。而天厭梁德。尙思匡救。徒蘊包胥之念。終搆萋宏之眚。洎王業光啟。鼎祚有歸。於是遠跡山東。寄命河北。雖經旅臣之嘆。猶懷客卿之禮。感茲知己。志此捐軀。至使身沒九原。頭行萬里。誠復馬革裹尸。遂其生平之志。原野薄體。全彼人臣之節。然身首異處。有足悲者。封樹靡立。良可愴焉。瑒早簪末僚。預參下席。荷公之吐握。感君之知遇。是用沾巾拭袂。痛可識之顏。迴腸疾首。切猶生之面。伏惟聖恩博厚。明詔爰發。赦王經之哭。許田橫之葬。瑒雖芻賤。竊亦有心。琳往莅壽陽。頗存遺愛。曾遊江左。非無舊德。比肩東閣之史。繼踵西園之賓。願歸元彼境。還瑩窀穸。庶孤墳旣築。或飛銜土之燕。豐碑式樹。時留墮淚之民。近故舊王維等。已有綸牒。仰蒙制議。不遂

所陳。昔廉公告逝。卽肥川而建塋域。孫叔云亡。仍芍陂而植楸檀。由此言之。抑有前例。不使壽春城下。惟傳報葛之人。滄洲島上。獨有悲田之士。昧死陳祚。伏待刑憲。

琳字子珩。元帝寵姬兄也。事元帝爲將。元帝忌其得衆。出之領外。魏平江陵。琳屯兵長沙。上游諸將。推爲盟主。陳武帝旣篡梁。討之反爲所敗。乃奉永嘉王莊爲梁主。齊亦遣兵爲援。兵敗。與莊同入齊。齊孝昭令鎮壽陽。陳將吳明徹攻之。被執。百姓泣而從。明徹懼爲變。殺之。傳首建康。故吏朱瑒致書於陵。陵啟陳主許之。瑒持首還淮南。瘞八公山側。尋有揚州人茅智勝等。密送輿柩達鄴。

源按琳。會稽山陰人。好武有勇略。體貌閑雅。立髮委地。雖無學業。而強記內敏。以軍功封建甯侯。歷湘衡二州刺史。又出鎮嶺南。刑罰不濫。輕財愛士。得將卒心。屢經喪亂。雅有忠義之節。北齊亦以此重之。及城破遇害。田夫野老。莫不歔歔流涕。知其誠信感物深矣。諡曰忠武。陵字孝穆。東海郟人。歷官侍中少傅。性清簡寡營。好周急。所得祿俸。與親族共之。崇信釋教。後主在東宮。令陵講大品經義。名僧自遠雲集。目有青睛。時人以爲聰慧之相。諡曰章。荷公之吐握。二語。史作降薛公之吐握。荷魏君之知遇。口氣尤合。

爲王寬與婦義安主書

伏知道

昔魚嶺逢車。芝田息駕。雖見妖淫。終成揮忽。遂使家勝陽臺。爲歡非夢。人慙蕭史。相偶成仙。輕扇初開。欣看笑靨。長眉始畫。愁對離妝。猶聞徒佩。顧長廊之未盡。尙分行憶。冀迴陌之難迴。廣攝金屏。莫令愁擁。恆

開錦轆。速望人歸。鏡臺新去。應餘落粉。熏爐未徙。定有餘煙。淚滴芳衾。錦花長溼。愁隨玉軫。琴鶴恆驚。已覺錦水丹鱗。素書稀遠。玉山青鳥。仙使難通。綵筆試操。香牋遂滿。行雲可託。夢想還勞。九重千日。詎想倡家。單枕一宵。便如蕩子。當令照影。雙來一鸞。羞鏡勿使窺窗。獨坐。姮娥笑人。

與徐僕射領軍述役僧書

釋真觀

泉亭光顯。寺釋真觀。致書領軍檀越。竊聞四衣開士。匡正法於將積。十地高人。秉元文於已絕。能使岷山遺跡。無虧宴坐之風。祇樹餘苗。得肆經行之道。伏見今者皇華。奉宣嚴憲。桂是僧尼之類。不書之名籍者。竝令捐茲淨戒。就此黎民。去彼伽藍。歸其里閭。既普天之下。莫匪王臣。正常僣俛。恭承鞠躬。祇奉。但恐情所謂。竊或疑焉。自佛法肇興。千有餘載。流傳此地。數百年間。濟濟僧徒。一何爲盛。雖復市朝亟改。風化頻移。慧炬常明。戒香恆馥。其爲福利。難可勝言。所現靈祥。聞諸史傳。至如浮圖和上。曜彩鄴中。高座法師。流芳鞏洛。或復昆明池內。識劫燒之餘灰。長沙寺裏。感碎身之遺陰。道開入境。仙人之星。乃出。法成去世。紺馬之瑞。爰浮。乃有青目赤髯。黃脾白足。連眉表稱。大耳傳芳。莫不定水淵澄。義峰山豎。汪汪道望。類迦葉之高蹤。肅肅威儀。似頻韓之清行。頃年訛替。乃日澆漓。而正法洪基。猶應未殄。忽復違其本志。奪彼前心。莫不仰高殿而酸傷。辭舊房而悽楚。依依法座。重反何期。戀戀禪門。再還無日。乃非岐路。而有分袂之悲。雖異河梁。遂結言離之痛。若以不斷名籍。爲其深罪。延茲咎累。亦可哀矜。夫出俗之人。務應脩道。許其方外之禮。不拘域中之節。或有不貫名籍。無關簿領。竝皆遊方探聽。隨處利安。望刹爲居。臨中告飯。或頭陀

林下。或蘭若巖阿。如此之流。甯容繼屬。若勝業不全。清禁多毀。宜應休道。此事誠然。而持犯難知。聖凡相溢。譬菴羅之果。生熟難分。雪山之藥。真偽難辨。忽使昆峯之上。玉石同焚。大澤之中。龍蛇等斃。何其惜也。吁可傷哉。又其割愛辭親。披緇剪髮。既無僕使。永絕妻奴。或老病之年。單貧之士。皆憑子弟。還相養衛。如其一朝而散。便溘死溝渠。遂有赴峻壑而投身。縊長繩而殞命。雖汨羅之痛。匹此猶輕。荒谷之悲。方斯未重。且復奇才絕學。並寄後生。聽講誦經。咸資晚秀。所以須陀得戒。猶是幼童。身子揚名。差非耆老。如斯之類。若並翻緇。恐此法門。便無紹繼。梵輪絕矣。精舍空焉。若八陣未休。四郊多壘。前房所寄。後殿斯憑。愚謂此人。殆誠無用。若必有拔距投石之能。索鐵伸鉤之力。則並從軍幕。久預長驅。儻復尙服緇衣。猶居寺宇。則是習勇心薄。樂道情深。若非衛玠之清羸。便同孟旭之浮怯。既不便弓馬。徒勞行陣。雖復身披甲冑。還想法衣。手執干戈。猶疑錫杖。必當遙聞戰鼓。色變心驚。遠望軍塵。魂飛氣懾。將恐有阻都護之威。無益貳師之勇。若謂不輸王課。靡助國儲。所以普使。收其賦斂。但浮游之屬。萍迸蓬飛。散誕之流。且貧終窶。鄉里既無田宅。京師又闕主人。納履則兩踵併穿。斂襟則雙肘皆現。觀董生之百結。尙覺輕華。見顏子之一簞。便疑豐飽。求朽壤以爲藥。甯識紫丸。服糞掃而爲衣。豈逢黃絹。貨財之禮。此則無從。懷璧之愆。信哉。應免若令其在道。猶可分衛自資。遂使還民。便是餓糶莫寄。伏惟皇朝御歷。齊聖欽明。繼踵軒義。比肩炎昊。握鏡之風。彌遠垂衣之化。方深兼復。梁棟三寶。敷宏十善。昔漢明靈感。上夢金人。晉武覆脩。纒招玉像。用今方古。彼有慙焉。或深經是護。等仙預大王。寶塔斯成。類無憂國主。明揚仄陋。信巢父之清虛。徵聘漁叟。許

嚴君之高尙。愚謂絳預今者。俛首僧尼。若已離法衣。無過道業。或常居邸肆。恆處田園。並依民例。宜從策使。如其禪誦知解。蔬素清虛。或宣唱有功。梵聲可錄。或繕脩墖廟。建造經書。救濟在心。聽習爲務。乃至羸老之屬。貧病之流。幸於編戶。無所堪用。並許停寺。仍上僧籍。必望十城之寶。或出荆山。百步之中。時逢芳草。於是寺斷流俗之僧。衆無舖糟之客。六時翹請。常以國界爲心。三業精修。必用君王爲本。豈不幽明踴躍。人鬼欣懼。冥力護持。善緣扶助。然後二儀交泰。六氣調和。征馬息鞍。軍旗卷旆。邊荒入侍。無待丹水之師。玉帛來朝。還想稽山之集。何其樂矣。實可欣哉。儻復疆場不虞。軍資有闕。薄須費計。伏聽徵求。仰惟傾軍檀越。外則探蹟典墳。內則鉤深經論。才高帷幄。寄重鹽梅。必願降意芻蕘。留心正法。微惠研詳。薄垂觀覽。如其一豪可採。深希曲爲矜論。無使蘭艾同鋸。薰蕕具翦。庶得仙人苑裏。更轉法輪。長者園中。還鋪講席。則匡維之德。比恆偕以齊高。擁護之功。似滄溟而共廣。橫此忤煩。彌增悚惕。

茲按此篇與虞通之讓昏表。頗爲一種俗調。作俑。王志堅云。役僧一書。滿紙齋飯酸餽氣。大非雅士所賞。言之未免太過。茲姑存之。以備一體。婚表更入俳俗。不庸不汰矣。

與陽休之書

祖鴻助

陽生大弟。吾比以家貧親老。時還故郡。在本縣之西界。有雕山焉。其處間遠。水石清麗。高巖四匝。良田數頃。家先有野舍於斯。而遭亂荒廢。今復經始。卽石成基。憑林起棟。蘿生映宇。泉流繞階。月松風草。綠庭綺合。日華雲實。傍沼星羅。檐下流烟。共霽氣而舒卷。園中桃李。雜椿柏而蔥蒨。時一褰裳涉澗。負杖登峰。心

悠悠以孤上。身飄飄而將逝。杳然不復自知在天地間矣。若此者久之。乃還所住。孤坐危石。撫琴對水。獨詠山阿。舉酒望月。聽風聲以興思。聞鶴唳以動懷。企莊生之逍遙。慕尚子之清曠。首戴萌蒲。身衣縕襪。出戴梁稻。歸奉慈親。緩步當車。無事爲貴。斯已適矣。豈必撫塵哉。而吾生旣繁名聲之韞鎖。就良工之剗削。振佩紫臺之中。鼓袖丹墀之下。采金匱之漏簡。訪玉山之遺文。敝精神於邱墳。盡心力於河漢。搗藻期之罄結。發議必在馨香。茲自美耳。吾無取焉。嘗試論之。夫昆峯積玉。光澤者前毀。瑤山叢桂。芳茂者先折。是以東都有挂冕之臣。南國見捐情之士。斯豈惡梁錦好。蔬布哉。蓋欲保其七尺。終其百年耳。今弟官位旣達。聲華已遠。象由齒斃。膏用明煎。旣覽老氏谷神之談。應體留侯止足之逸。若能翻然清尚。解佩捐簪。則吾於茲山莊可辦。一得把臂入林。挂巾垂枝。攜酒登巖。舒席平山。道素志。論舊疑。訪丹法。語元書。斯亦樂矣。何必富貴乎。去矣陽子。途乖趣別。緬尋此旨。杳若天漢。已矣哉。書不盡意。

鴻勳涿郡人。臨淮王彧薦其文學。除奉朝請。竟不詣謝。人怪之。曰。爲國舉才。臨淮之務。祖鴻勳何謝焉。彧聞而喜。

源按北齊書鴻勳本傳。後出爲高陽太守。居官清素。妻子不免寒餒。時議高之。休之。字子烈。北平無終人。勤學多識。博綜經史。爲士友所稱。鴻勳爲司徒法曹參軍。轉廷尉正。去官歸里時。與休之此書。

上牛宏書

王孝籍

竊以毒螫嗜膚。則申旦不寐。飢寒切體。亦卒歲無聊。何則。痛苦難安。貧窮易感。況懷抱之內。水火燦脂膏。

膝理之間。風霜侵骨髓。安可饋舌絨脣。吞聲飲氣。惡呻吟之響。忍酸辛之酷哉。惟明公尙書。動哀矜之色。開寬裕之懷。咳唾足以濟活枯鱗。吹噓可以騰飛窮羽。芬以椒蘭之氣。暖以布帛之詞。許小人之請。開大君子之聽。雖復山川不遠。神明在茲。信而有徵。言無不履。猶恐拯溺遲於援手。救緘緩於扶足。待越人之舟楫。求魯匠之雲梯。則必懸於喬樹之枝。沒於深泉之底矣。夫以一介貧人。七年直省。課役不免。慶賞不沾。賣買禹之田。供釋之之費。有弱子之累。乏強兄之親。加以老母在堂。光陰遲暮。寒暑違侍。關山迢遙。齧臂爲期。前途邈矣。倚閭之望。朝夕已勤。謝相如之病。無官可以免。發梅福之狂。非仙所能避。愁疾甚乎厲鬼。人生異夫金石。營魂且散。恐篋子無徵。齋恨入冥。則虛綠恩願。此乃王稽所以致言。應候爲之不樂也。潛鬢髮之內。居眉睫之間。子野未曾聞。離朱所不見。沈淪東觀。留滯南史。終無薦引。永同埋殯。三世不移。雖由寂寞。十年不調。實乏知己。夫不世出者。信聖明之君也。不萬一者。誠賢良之臣也。以夫不世出而逢不萬一。此小人所以爲明尙書幸也。坐人物之源。運銓衡之柄。反披狐白。不好緇衣。此小人爲明尙書不取也。昔荆玉未剖。卞和之足。百里未用。碎禽息之首。居得言之地。有用能之資。增日月之明。無手足之戚。憚而不爲。孰知其解。夫官或不稱其能。士或未伸其屈。一夫竊議。語流天下。勞不見圖。安能無望。倘病未及死。往還勉念。眇窮愁之閒。矚離憂之詞。託志於前修。通心於來哲。使千載之下。哀其不遇。追咎執事。有玷清塵。則不肖之軀。死生爲累。小人之罪。方且未成。願少加矜愍。留心無忽。

孝籍。平原人。開皇中。召入祕書。助王劭修國史。劭不之禮。在省數年。不免輸稅。孝籍不得志。奏記于宏。

宏亦知其有學業而竟不調。後歸教授終于家。

牛宏字里仁封奇章郡公。

蓀按此種文乃有唐溫庭筠羅隱上達官諸啓之先聲。至朱灣龍門轉深玉粟轉貴之句而遊士流風益下矣。

源按里仁安定朔州人。隋開皇初授祕書監以典籍遺逸上表請開獻書之路其在吏部先德行後文才凡所進用並多稱職卒諡曰憲。

寄梁處士周宏讓書

王褒

嗣宗窮塗楊朱歧路。征蓬長逝流水不歸。舒慘殊方炎涼異節。木皮春厚桂樹冬榮。想攝衛惟宜動靜多。豫賞兄入關敬承款曲。猶依杜陵之水。尙保池陽之田。鏟跡幽蹊銷聲窮谷。何其愉樂幸甚幸甚。弟昔因多疾。亟覽九仙之方。晚步世途常懷五嶽之舉。同夫關令物色異人。譬彼客卿服膺高士。上經說道。屢聽元牝之談。中藥養人。每稟丹沙之說。頃年事逾盡容髮衰謝。芸其黃矣。零落無時。還念生涯繁憂總集。視陰曷日。猶趙孟之徂年。負杖行吟。同劉琨之積慘。河陽北臨空思鞏縣。霸陵南望。還見長安。所冀書生之魂。來依舊壤。射聲之鬼。無恨他鄉。白雲在天。長離別矣。會見之期。邈無日矣。援筆攬紙。龍鐘橫集。

褒字子淵仕梁位至端右。後與元帝同降於周。與庾信齊名。初褒與梁處士周宏讓相善。及兄宏正。自陳來聘。高祖許褒通親知音問。遂致宏讓書并詩。

遺崔蹟書

隋豫章王暕

昔漢氏西京。梁王建國。平臺東苑。慕義如林。馬卿辭武騎之官。枚乘罷宏農之守。每覽史傳。嘗竊怪之。何乃脫略官榮。棲遲滯邸。以今望古。方知雅志。彼二子者。豈徒然哉。足下博聞強記。鉤深致遠。視漢臣之三。儼似涉蒙山。對梁相之五車。若吞雲夢。吾兄欽賢重士。敬愛忘疲。先築郭隗之宮。常置穆生之醴。今者重開土宇。更誓山河。地方七百。牢籠曲阜。城兼七十。包舉臨淄。大啓南陽。方開東閣。想得奉飛蓋。曳長裙。籍璫筵。躡朱履。歌山桂之偃蹇。賦池竹之檀欒。其崇貴也如彼。其風流也如此。幸甚幸甚。何樂如之。高視上京。有懷德祖。才謝天人。多慙子建。書不盡意。甯俟繁詞。

豫章王者。煬帝子齊王暕。先封豫章王也。品外錄。以爲齊豫章王。崑大誤。

暕。小字阿孩。元德太子薨。朝野以暕當嗣。帝以他事怒暕。暕寵衰。帝每慮暕生變化。及作亂。帝顧蕭后曰。得非阿孩也。化及復令人殺暕。暕亦謂出帝意。至死竟不知殺者爲誰。

源按蹟字祖溶。博陵安平人。爲河南豫章二王侍讀。及河南爲晉王。轉記室參軍。去豫章王。因遺此書。

答豫章王書

崔蹟

一昨伏奉教書。榮貺非恆。心靈自失。若乃理高象繫。管輅思而不解。事富山海。郭璞注而未詳。至於五色相宣。八音繁會。鳳鳴不足喻。龍章莫之比。吳札之論周頌。詎盡揄揚。郢客之奏陽春。誰能赴節。伏惟令王殿下。稟潤天潢。承輝日觀。雅道邁於東平。文藝高於北海。漢則馬遷蕭望。晉則裴楷張華。雞樹騰聲。鶴池

播美。望我清塵。悠然路絕。祖濬燕南。贅客河朔。惰游本無意於希顏。豈有心於慕齒。未嘗聚螢映雪。懸頭刺股。讀論唯取一篇。披莊不過盈尺。況復桑榆漸暮。藜藿屢空。舉燭無成。穿楊盡棄。但以燕求馬首。薛養雞鳴。謬齒鴻儀。虛班驥阜。挾太山而超海。比報德而非難。壘崑崙以爲池。匹酬恩而反易。忽屬周桐錫瑞。唐水承家。門有將相。樹宜桃李。真龍將下。誰好有名。濫吹先逃。何須別聽。但慈旨抑揚。損上益下。江海所以稱王。丘陵爲之不逮。曹植儻豫。聞高論則不殞令名。楊修若竊在下風。亦詎虧淳德。無任荷戴之至。謹奉啓以聞。

蓀按蹟與父廓俱列隱逸。所著詞賦碑志十餘萬言。洽聞志七卷。四科志三十卷。江都傾覆。成爲煨燼。此特其威鳳一羽耳。

爲侯景叛移梁朝文

魏收

夫化成萬物。分界九道。紀之以山河。照之以日月。方足圓首。含氣呈形。咸總之於聖人。畢會之以朝市。皇魏應銜甲之祕圓。納封金之寶命。萬方爲宅。四海爲家。卜世靈長。將踰八百。天壤之間。朝不別焉。惟夫三江五湖。九疊百濮。其地如掌。人鳥不分。瞻星昧環拱之方。託水迷朝宗之義。積蠅爲衆。長蛇稱長。石田無菽粟之用。衆人非聲教所孚。是以年歷三僞。棄而不有。豈力不足。蓋所未徵。而陸梁塗泥。時軼疆鄙。天討所遺。理存惡殺。自二紀及茲。中原多故。未清區宇。文武兼勤。偃伯歸戰。有懷勞止。將令動植。俱仰堯心。遂冠蓋括途。象背提告。推誠蹶然。類識王道。授衣禮節。拜首歸仁。舞戚所以爲高。止戈故能稱大。方知夙沙

交臂不待兵車。有苗納款。未勞征伐。而庸夫爲善。希能令終。狂人克念。更知徒語。聞利無匹夫之信。好虐有助鬼之心。白頭爲賊。曾莫自揆。嘉文浮功。甘於苟得。罔顧榆次之禍。詎識江浦之禽。侯景一豎。微蔑民斯下矣。人倫士操。本自不倫。直以少從羈勒。頗習趨走。叨忝名器。事出爾朱。藏情諂笑。唯利是視。義兵同舉。羣胡覆族。雖狐祭首丘。事非小人。而忘恩背本。景爲先至。不義不信。自此可知。但丁公之戮。時有未可也。大澤深山。龍蛇並育。遂容其悔非。棄其瑕穢。任以將率。授以兵符。庶其被鞍銜鍊。盡力馳驟。指蹤投繯。驚兔或擒。而弱才負重。折足是慮。置之不爭之地。虛出韓鄒之間。曾無戰伐之勤。可言摧陷之績。歲往年徂。率無可紀。而腹心羣小。信納逋亡。劫奪行道。侵掠民庶。流聲遠聞。王法有典。驄馬將出。朱筆且行。自貽伊戚。了不知咎。盜憎主人。乃圖逆節。拔本塞源。委身賦虜。逼脇居民。翻蕩城池。叉手曲躬。千里唯諾。殘賊相依。忻同鱗水。寵以大位。屬以東方。外曰臣主。內深骨肉。安危契闊。約以死生。拯其鼎鑊之命。全其齏粉之福。時不暇浹。翻然易慮。還相掩擊。事劇仇讐。反覆剽獲。莫非此類。至於老母暮倚。少弟升岡。妻望行夫。子號出父。食毛之屬。可爲痛心哉。景忽之如草芥。棄之如塵垢。任其斲截之誅。安其烹斬之痛。放麇食子。有似可親。觀賊窮否。恥其並主。獸心人面。革裔同讐。歸家懼執法之刑。赴賊及噬臍之歎。首領無地。進退數窮。遂騁邪說。自託左右。苟有君子。義均逐雀。而彼方上下。樂禍好亂。叛竊之豎。獲毒之人。圖浮芥之小利。忘邱山之禍。乃崇飾土偶。被以元黃。馳馬高蓋。載駮爲重。委以專征。施其爪角。驅逼子姓。率我叛亡。逼厭虐之侶。鞠苦後之衆。蟻攢蝨集。侵竊邊鄙。恤患分災。本不要於違僻。違衆悖禮。蓋神明之所誅。皇帝

垂旒華士。則天而動。卷覆三古。懷佩百王。掌握中道。崇基增構。殊塗全會。百慮一歸。中外禔福。戎華俱庇。持秋霜夏震之威。以拔山超海之力。願指則風雲總至。迴眸而山嶽削平。雖復旗鼓所臨。有征無戰。猶以師出而服。辱在我世。所務者息民。所存者文德。豈復以擒將威敵。漂杵溺駟。爲功於一時。示武於千載。且天生五材。有聞前古。禍非我貽。其德已乎。遂置壇命將。持柯畢禮。引營就道。分途競馳。批熊舉翰之士。翹關扛鼎之卒。被組橫矛。執戈挺劍。龍駒並躍。驥子千羣。沸聒天壤。蒸鬱雲霄。一朝指揮。倏忽千里。候騎羅絡。聊逞前驅。天兵之鼓未鳴。衆軍之旗詎接。而荆揚烏合。一朝崩解。塞州滿塗。馘耳截鼻。以千萬計。不可勝數。宗親節將。咸見擒束。委命軍吏。憂在釁鼓。楚兵吳甲。積若山丘。青鵠赤烏。噎流斷岸。千金之貴。爲我資焉。痛辱可哀。其利安在。覆師喪族。禍本可尋。方之噬臍。悔之靡及。皆侯景叛戾。虛相陷誘。指成提挈之舉。終無騎角之勢。景棄本趨末。背國違命。部下數千。屈逼羅網。離親懷士。一日三秋。拘網立匏。朝不謀夕。豈能搖足東上。遠赴彭城。天奪彼魄。信納虛詭。使蕭明貴孫。而縛於徐泗。景爲凶藪。遂巡而坐。觀託人七尺之身。居人成敗之地。急病讓醫。固若此也。兩端自見。故態未除。今知東南滌蕩。睢潼清復。梁之喪師。單輪不返。繫援之期。終當無日。勢窮路盡。憂在滅亡。事留變生。將謀及已。且彼軍殲殄。江淮屠酷。禍源爨迹。景實啓之。上懼金陵君長。致請設之責。下恐荆吳子弟。洗父兄之冤。愚小猜驚。將興異計。乘專任之機。藉方面之重。定當招結。僉楚扇合無賴。內自封植。外絕防禦。因見信而類起。出不疑以竊發。事比疾雷。理同激矢。上或憑陵乘疾。專擅縱橫。下則鷓峙淮淝。覬覦叛渙。老疾姦回。不虛然也。而彼士區區。厚加崇納。置

之襟帶之方。處以藩衛之所。費金帛於烈火。罄酒漿於漏卮。非乘景虛聲。委其實用。夫量材授任。必原其始。考行責成。常存其大。景豺聲蜂目之首。狼心狐魅之徒。義無父子。棄同卽異。捐親背德。於我尙反目而去。在梁則何施可懷。且我重傷心。尾大不掉。魚脫於淵。義彰老氏。而假威凶險。授柄姦回。欲求肝膽之誠。更啓危亡之兆。固智者不爲。迷者遂去。若抽薪止沸。翦草除根。壺首囊頭。叉手械足。返國姦於司敗。歸侵地於元武。非直惡之在今。天道人事。實乘無禮。苟違之者。其長世何。若悔非知罪。恭承德音。且欲飛驛合符。班師凱入。悠悠水鄉。有救其死。若乃執飾非之辨。固遂過之失。便當盡常勝之戰。極必取之功。飛江南渡深山。將恐削壤卑名。雖頓顙而不獲。亡宗滅廟。望喬木而可悲。昔田假英人。於期壯士。窮而歸我。許以入懷。景竦悖狗子。攪亂四國。庸可紓難。棄若孤鷓。何足戀戀於亂臣。勤勤於賊子也。王者之威心厲如霜。雪信同寒暑。言猶麗天。移至深念變通。熟量可否。幸思大雅。無貽後悔。

蓀按祖君彥微隋文。較此便意致相懸。然變六朝而古音未歇者。畢竟推唐代諸公。非宋元人可及也。源按收字伯起。小字佛助。鉅鹿下曲陽人。少折節讀書。夏日坐板牀。隨樹陰諷誦。積年不稍輟。史稱收爲此檄。初夜執筆。三更便成。宜其通達縱橫敏捷如此。心厲句疑有誤。

報應問

何承天

西方說報應。其枝末雖明。而卽本常昧。其言奢而寡要。其譬迂而無徵。乖背五經。故見棄於先聖。誘掖近情。故得信於季俗。夫欲知日月之行。故假察於璇璣。將申幽冥之信。宜取符於見事。故鑑燧懸而水火降。

雨宿離而風雲作。斯皆遠繇近驗。幽以顯著者也。夫鵝之爲禽。浮清池。咀春草。衆生蠢動。弗之犯也。而庖人執焉。豈有得免刀俎者。燕醜翔求食。唯飛蟲是甘。而人皆愛之。雖巢幕而不懼。非直鵝燕也。羣生萬有。往往如之。是知殺生者無惡報。爲福者無善應。所以爲訓者如彼。所以示世者如此。余甚惑之。若謂燕非蟲。不甘。故罪所不及。民食芻豢。奚獨嬰辜。若謂禽豕無知。而人識經教。斯則未有經教之時。豈漁網罟亦無罪也。無故以科法入中國。乃所以爲民陷罪也。彼仁人者。豈其然哉。故余謂佛經。但是假設。權教勸人爲善耳。無關實效。是以聖人作制。推德翳物。我將我享。實膺天祐。田獲三品。賓庖豫焉。若乃見生不忍死。聞聲不食肉。固君子之所務也。竊願高明。更加三思。

源按承天東海郊人。博覽古今。多才藝。一時所推。甚爲宋文帝敬禮。累官御史中丞。將遷。坐漏密旨免官。

問律自序

張融

吾文章之體。多爲世人所驚。汝可師耳以心。不可使耳爲心師也。夫文豈有常體。但以有體爲常。政當使常有其體。丈夫常刪詩書。制禮樂。何至因循。寄人籬下。且中代之文。道體闕變。尺寸相資。彌縫舊物。吾之文章。體亦何異。何嘗顛溫涼而錯寒暑。綜哀樂而橫歌哭哉。政以屬辭多出。比事不羈。不阡不陌。非途非路耳。然其傳音振逸。鳴節竦韻。或當未極。亦已極其所矣。汝若復別得體者。吾不拘也。吾義亦如文。造次乘我。顛沛非物。吾無師無友。不文不句。頗有孤神獨逸耳。義之爲用。將使性入清波。塵洗猶沐。無得鈞聲。

同利。舉價如高。俾是道場。險成軍路。吾昔嗜僧言。多肆法辯。此盡遊乎言笑。而汝等無幸。又云。人生之口。正可論道說義。惟飲與食。此外如樹網焉。吾每以不爾爲恨。爾曹當振網也。

源按釋文義。似汝等無幸句。自序已完。又云以下。是史臣連綴之辭。

爲亮法師製涅槃經疏序

武帝

曰。非言無以寄言。言卽無言之累。累言則可以息言。言息則諸見競起。所以如來乘本願以託生。現慈力以應化。離文字以設教。忘心相以通道。欲使珉玉異價。涇渭分流。制六師而正四倒。反八邪而歸一味。折世智之角。杜異人之口。導求珠之心。開觀象之目。救燒灼於火宅。振沈溺於浪海。故法雨降而燠種更榮。慧日升而長夜蒙曉。發迦葉之悱憤。吐真實之誠言。雖復二施等於前。五大陳於後。三十四問。參差異辯。方便勸引。各隨意答。舉要論經。不出兩塗。佛性開其本有之源。涅槃明其歸極之宗。非因非果。不起不作。義高萬善。事絕百非。空空不能測其真隆。元元不能窮其妙門。自非德均平等。心答無生。金牆玉屋。豈易入哉。

茲按蕭梁諸君。多通內典。故言之聲聲乃爾。然如金剛摩訶懺。及斷酒肉文。殊近庸猥。不及此文雅令。

陶淵明集序

昭明太子

夫自銜自媒者。士女之醜行。不伎不求者。明達之用心。是以聖人韜光。賢人遁世。其故何也。含德之至。莫踰於道。親己之切。無重於身。故道存而身安。道亡而身害。處百齡之內。居一世之中。倏忽比之白駒。寄寓

謂之逆旅。宜乎與大塊而盈虛。隨中和而任放。豈能戚戚勞於憂畏。汲汲役於人閒。齊謳趙女之娛。八珍九鼎之食。結駟連騎之榮。侈袂執圭之貴。樂旣樂矣。憂亦隨之。何倚伏之難量。亦慶弔之相及。智者賢人居之甚履薄冰。愚夫貪士競之若洩尾閭。玉之在山。以見珍而終破。蘭之生谷。雖無人而自芳。故莊周垂釣於濠。伯成躬耕於野。或貨海東之藥草。或紡江南之落毛。譬彼鷓鴣。豈競鳶鷂之肉。猶斯雜縣。甯勞文仲之牲。至於子常甯喜之倫。蘇秦衛鞅之匹。死之而不疑。甘之而不悔。主父偃言。生不食五鼎。死則五鼎烹。卒如其言。豈不痛哉。又楚子觀周。受折於孫滿。霍侯驂。禍起於負芒。饕餮之徒。其流甚衆。唐堯四海之主。而有汾陽之心。子晉天下之儲。而有洛賓之志。輕之若脫屣。視之若鴻毛。而況於他人乎。是以至人達士。因以晦迹。或懷蓋而謁帝。或被褐而負薪。鼓枻清潭。棄機漢曲。情不在於衆事。寄衆事以忘情者也。有疑陶淵明詩。篇篇有酒。吾觀其意不在酒。亦寄酒爲迹者也。其文章不羣。詞彩精拔。跌宕昭彰。獨超衆類。抑揚爽朗。莫之與京。橫素波而傍流。干青雲而直上。語時事則指而可想。論懷抱則曠而且真。加以貞志不休。安道苦節。不以躬畊爲恥。不以無財爲病。自非大賢篤志。與道汗隆。孰能如此乎。余素愛其文。不能釋手。尙想其德。恨不同時。故加搜校。粗爲區目。白璧微瑕。惟在閒情一賦。揚雄所謂勸百而諷一者。卒無諷諫。何足搖其筆端。惜哉。亡是可也。并粗點定其傳。編之於錄。嘗謂有能觀淵明之文者。馳競之情遺。鄙吝之意祛。貪夫可以廉。懦夫可以立。豈止仁義可蹈。抑乃爵祿可辭。不必傍游泰遠。求柱史。此亦有助於風教也。

內典碑銘集林序

梁元帝

夫法性空寂。心行處斷。感而遂通。隨方引接。故鵲園善誘。馬苑宏宣。白林將謝。青樹已列。是宣金牒。方寄銀身。自象教東流。化行南國。吳主至誠。歷七霄而光曜。晉王畫像。經五帝而彌新。次道、孝伯、嘉賓、元度。斯數子者。亦一代名人。或修理止於伽藍。或歸心盡於談論。銘頌所稱。興公而已。夫披文相質。博約溫潤。吾聞斯語。未見其人。班固碩學。尚云讚頌相似。陸機鉤深。猶聞碑賦如一。唯伯喈作銘。林宗無媿。德祖能誦。元常善書。一時之盛。莫得係躡。況般若元淵。真如妙密。觸言成累。係境非真。金石何書。銘頌誰闡。然建塔紀功。招提立寺。或興造有由。或誓願所記。故鐫之立石。傳諸不朽。亦有息心應供。是曰桑門。或謂智彞。或稱印手。高座擅名。預伊師之席。道林見重。陪飛龍之座。峨眉廡阜之賢。鄴中宛鄧之哲。昭哉史冊。可得而詳。故碑文之興。斯焉尙矣。夫世代亟改。論文之理。非一時事推移。屬詞之體。或異。但繁則傷弱。率則恨省。存華則失體。從實則無味。或引事雖博。其意猶同。或新意雖奇。無所倚約。或首尾倫帖。事似牽課。或闕復博涉。體製不工。能使豔而不華。質而不野。博而不繁。省而不率。文而有質。約而能潤。事隨意轉。理逐言深。所謂菁華。無以閒也。予幼好雕蟲。長而彌篤。遊心釋典。寓目詞林。頃常搜聚。有懷著述。譬諸法海。無讓波瀾。亦等須彌。同歸一色。故不擇高卑。唯能是與。倘未詳悉。隨而足之。名爲內典碑銘集林。合三十卷。庶將來君子。或裨觀見焉。

茲按本紀。載元帝所著書。十餘種。有內典博要一百卷。而無碑銘集林一書。豈即在博要百卷中乎。他

日常再考之。

職貢圖序

梁元帝

竊聞職方氏掌天下之圖。四夷八蠻。七閩九貉。其所由來久矣。漢氏以來。南羌旅距。西域憑陵。創金城。開玉關。絕夜郎。討日逐。觀犀甲則建朱崖。聞蒲萄則通大宛。以德懷遠。異乎是哉。皇帝君臨天下之四十載。垂衣裳而賴兆民。坐巖廊而彰萬國。梯山航海。交臂屈膝。占雲望日。重譯至焉。自塞以西。萬八千里。路之狹者。尺有六寸。高山尋雲。深谷絕景。雪無冬夏。與白雲而共色。冰無早晚。與素石而俱貞。踰空桑而歷昆吾。度青丘而跨丹穴。炎風弱水。不革其心。身熱頭痛。不改其節。故以明珠翠羽之珍。細而弗有。龍文汗血之驥。却而不乘。尼邱乃聖。猶有圖人之法。晉帝君臨。實聞樂賢之象。甘泉寫閼氏之形。後宮玩單于之圖。臣以不佞。推轂上游。夷歌成章。胡人遙集。款開蹶角。沿泝荆門。瞻其容貌。訴其風俗。如有來朝京輦。不涉漢南。別加訪採。以廣聞見。名爲貢職圖云爾。

全德志序

梁元帝

老子言全德歸厚。莊周云全德不刑。呂覽稱全德之人。故以全德創其名也。此志隆大夫爲首。伊人有學。有辯。不天不貧。寶劍在前。鼓瑟從後。連環炙輶。雍容卒歲。駟馬高車。優遊宴喜。旣令公侯踞掌。復使要荒。蹶角入室。生光豈非盛矣。若乃河宗九策。事等神鈎。陽雍雙壁。理歸元感。南陽樊重。高閣連雲。北海公沙。門人成市。咨此人龍。各傳一藝。夾河兩郡。家有萬石。人生行樂。止足爲先。但使樽酒不空。坐客恆滿。甯與

孟嘗聞琴。承睫淚下。中山鷓樂。悲不自禁。同年而語也。

洞林序

梁元帝

蓋聞元枵之野。鬼方難測。朱鳥之舍。神道莫知。而緹幔曉披。旣辯黃鍾之氣。靈臺夕望。便知玉井之色。復以談乎天者。雖絕名言之外。存乎我者。還居稱謂之中。余幼學星文。多歷歲稔。海中之書。略皆尋究。巫咸之說。徧得研求。雖紫微迢遞。如觀掌握。青龍顯晦。易乎窺覽。羨門五將。亟經玩習。韓終六壬。常所寶愛。至如周王白雉之筮。殷人飛燕之卜。著名聚雪。非關地極之山。卦有密雲。能擁西郊之氣。交通七聖。世經三古。山陽王氏。真解談元。河東郭生。纔能射覆。兼而兩之。竊自許矣。

昭明太子集序

王孝綽

臣竊觀大易。重明之象著焉。抑又聞之。七鬯之義存焉。故書有孟侯之名。記表元良之德。歷選前古。以洎夏周。可得而稱。啓誦而已。雖徹聖挺賢。光乎二代。高文精義。閱爾無聞。漢之顯宗。晉之肅祖。昔自春宮。益好儒術。或專經止於區易。或持論窮於真假。子桓雖摘藻銅省。集講肅成。事在藩儲。理非臯貳。未有正位少陽。多才多藝者也。粵我大梁之二十一載。盛德備乎東朝。若乃有縱自天。惟睿作聖。顯仁立孝。行於四海。如珪如璋。不因琢磨之義。爲臣爲子。寧待觀喻之言。惟性道難聞。而文章可見。故俯同志學。用晦生知。以弦誦之餘辰。總鄒魯之儒墨。徧緜細於七閣。彈竹素於九流。地居上嗣。實副元首。皇帝垂拱巖廊。委成庶績。時非從守。事或監撫。雖一日二日。攝覽萬幾。猶臨書幌而不休。對欵案而忘怠。況復延納侍講。討論

經紀去聖滋遠。愈生穿鑿。枝分葉散。殊路僭馳。靈臺辟雍之疑。禮祀祭社之繆。明章申老之議。通顏理王之說。量覈然否。剖析同異。察言抗論。窮理盡微。於時淹中稷下之生。金華石渠之士。莫不過衢楹而搨多。少見斗極而曉西東。與夫盡春卿之道。贊仲尼之宅。非賈誼於蘇林。問蕭何於棗據。區區前史。不亦慙歟。加以學貫總持。辨同無破。五時密教。見猶鏡象。一乘妙旨。觀若掌珠。及在布金之園。處如龍之衆。開示有空。顯揚權實。是以徧動六地。普雨四花。豈直得解櫻須提。舍鉢瓶沙。騰曇言德。梵志依風而已哉。若夫天文以爛然爲美。人文以煥乎爲貴。是以隆儒雅之大成。遊雕蟲之小道。握牘持筆。思若有神。曾不斯須。風飛雷起。至於宴遊西園。祖道清洛。三百載賦。該極連篇。七言致擬。見諸文學。博逸興詠。並命從遊。書令視草。銘非潤色。七窮煒燁之說。表極遠大之才。皆喻不備體。詞不掩義。因宜適變。曲盡文情。竊以屬文之體。鮮能周備。長卿徒善。旣累爲遲。少孺雖疾。俳優而已。子淵淫靡。若女工之蠶。子雲侈靡。異詩人之則。孔璋詞賦。曹祖勸其修今。伯喈笑贈。繫虞知其頗古。孟堅之頌。尙有似讚之譏。士衡之碑。猶聞類賦之貶。深乎文者。兼而善之。能使典而不楚。遠而不放。麗而不淫。約而不儉。獨擅衆美。斯文在斯。假使王郎報箋。卞蘭獻頌。猶不足以揄揚著述。稱贊才章。況在庸才。曾何彷彿。然承華肇建。濫齒時髦。居陪出從。逝將二紀。譬彼登山。徒仰峻極。同夫觀海。莫墮波瀾。但職官書記。預聞盛藻。歌詠不足。敢忘編次。謹爲一帙十卷。第目如左。日升松茂。與天地而偕長。壯思英詞。隨歲月而增廣。如其後錄。以俟賢臣。

蓀按孝綽被禮昭明。時作樂賢堂。使畫工先圖其像。太子文章繁富。羣才咸欲撰錄。太子獨使孝綽集

而序之。至於焚到氏之書。改少姝之奏。君臣寵遇。古少其倫。卒以陵忽忤時。摧抑沒世。生平文集數十萬言。今傳者寥寥無幾。文人類不護細行。亦其才氣有以致之也。噫。

源按。孝綽本名冉。小字阿土。彭城安上里人。父繪仕齊。掌詔誥。孝綽年十四。繪常使代草之。少負盛名。恃才仗氣。有不合意。輒極言詆訾。凡遇朝會。公卿間無所語。反呼騶卒訪道途間事。其忤物遺忌。有以哉。

詩品序

鍾 鏗

氣之動物。物之感人。故搖蕩性情。形諸舞詠。照燭三才。暉麗萬有。靈祇待之以致饗。幽微藉之以昭告。動天地。感鬼神。莫近於詩。昔南風之辭。卿雲之頌。厥義夔矣。夏歌曰。鬱陶乎予心。楚謠曰。名予曰正則。雖詩體未全。然是五言之濫觴也。逮漢李陵。始著五言之目矣。古詩眇邈。人代難詳。推其文體。固是炎漢之製。非衰周之倡也。自王揚枚馬之徒。詞賦競爽。而吟咏靡聞。從李都尉迄班婕妤。將百年間。有婦人焉。一人而已。詩人之風。頓已缺喪。東京二百載中。惟有班固詠史。質木無文。降及建安。曹公父子。篤好斯文。平原兄弟。鬱爲文棟。劉楨。王粲。爲其羽翼。次有攀龍託鳳。自致於屬車者。蓋將百計。彬彬之盛。大備於時矣。爾後陵遲衰微。迄於有晉。太康中。三張。二陸。兩潘。一左。勃爾復興。踵武前王。風流未沫。亦文章之中興也。永嘉時。貴黃老。稍尙虛談。於時篇什。理過其辭。淡乎寡味。爰及江表。微波尙傳。孫綽。許詢。桓庾諸公。詩皆平典。似道德論。建安風力盡矣。先是郭景純。用雋上之才。創變其體。劉越石。仗清剛之氣。贊成厥美。然彼衆

我寡未能勸俗。逮義熙中。謝益壽。裴然繼作。元嘉中有謝靈運。才高詞盛。富豔難蹤。固已合跨劉郭。陵轢潘左。故知陳思爲建安之傑。公幹仲宣爲輔。陸機爲太康之英。安仁景陽爲輔。謝客爲元嘉之雄。顏延年爲輔。斯皆五言之冠冕。文詞之命世也。夫四言文約義廣。取效風騷。便可多得。每苦文繁而意少。故世罕習焉。五言居文詞之要。是衆作之有滋味者也。故云會於流俗。豈不以指事造形。窮情寫物。最爲詳切者耶。故詩有六義焉。一曰興。二曰比。三曰賦。文已盡而意有餘。興也。因物喻志。比也。直書其事。寓言寫物。賦也。宏斯三義。酌而用之。幹之以風力。潤之以丹彩。使味之者無極。聞之者動心。是詩之至也。若專用比興。則患在意深。意深則詞躓。若但用賦體。則患在意浮。意浮則文散。嬉成流移。文無止泊。有蕪漫之累矣。若乃春風春鳥。秋月秋蟬。夏雲暑雨。冬月祁寒。斯四候之感諸詩者也。嘉會寄詩以親。離羣託詩以怨。至於楚臣去境。漢妾辭宮。或骨橫朔野。或魂逐飛蓬。或負戈外戍。或殺氣雄邊。塞客衣單。婦閨淚盡。文士有解佩出朝。一去忘返。女有揚蛾入寵。再盼傾國。凡斯種種。感蕩心靈。非陳詩何以展其義。非長歌何以釋其情。故曰詩可以羣。可以怨。使窮賤易安。幽居靡悶。莫尙於詩矣。故詞人作者。罔不愛好。今之士俗。斯風熾矣。纔能勝衣。甫就小學。必甘心而馳騫焉。於是庸音雜體。各爲家法。至於膏腴子弟。恥文不逮。終朝點綴。分夜呻吟。獨觀謂爲警策。衆覩終淪平鈍。次有輕蕩之徒。笑曹劉爲古拙。謂鮑昭義皇上人。謝朓今古獨步。而師鮑昭。終不及日中市朝滿。學謝朓。劣得黃鳥度青枝。徒自棄於高聽。無涉於文流矣。傑觀王公搢紳之士。每博論之餘。何嘗不以詩爲口實。隨其嗜欲。商榷不同。淄澠竝泛。朱紫相奪。喧譁競起。準的無依。

近彭城劉士章。俊賞之士。疾其淆亂。欲爲當世詩品。口陳標榜。其文未遂。燦感而作焉。昔九品論人。七略裁士。校以賓實。誠多未值。至若詩之爲技。較爾可知。以類推之。殆均博奕。方今皇帝。資生知之上才。體沈鬱之幽思。文麗日月。學究天人。昔在貴遊。已爲稱首。況八紘旣掩。風靡雲蒸。抱玉者聯肩。握珠者接武。固以睨漢魏而不過。吞晉宋於胸中。諒非農歌轅議。敢致流別。燦之今錄。庶周旋於閭里。均之於談笑耳。

源按燦字仲偉。潁川長社人。嘗品古今五言詩。論其優劣。此其自序也。楚謠曰。曰當作云。文士有解佩出朝句。文當作又。

書品序

庾肩吾

元靜先生曰。予逼求邃古。逖訪厥初。書名起于元洛。字勢發于倉史。故遺結繩。取諸文象。諸形會諸人事。未有廣此絨膝。深茲文契。是以一書加大。天尊可知。二力增土。地卑可審。日以君道。則字勢圓。月以臣輔。則文體缺。及其轉註假借之流。指字會意之類。莫不狀範毫端。形呈字表。開篇玩古。則千載共朝。削簡傳今。則萬里對面。記善則惡自削。書賢則過必改。玉歷頌正而化俗。帝教陳言而設教。變通不極。日用無窮。與聖同功。參神並運。爰洎中葉。舍繁從省。漸失潁川之言。竟逐雲陽之字。若乃鳥跡孕于古文。壁書存于科斗。符陳帝璽。摹調蜀漆。署表宮門。銘題禮器。魚遊舍鳳。鳥已分蟲。仁義起于麒麟。威形發于龍虎。雲氣時飄五色。仙人還作兩童。龜若浮溪。蛇若赴穴。流星疑燭。垂露似珠。芝英轉車。飛白掩素。參差倒殲。旣思種柳之謠。長短懸針。復想定情之製。蚊脚傍低。鶴頭仰立。填飄板上。謬起印中。波回墮鏡之鸞。楷顧雕陵。

之鵠。並以篆籀重複。見重昔時。或巧能售酒。或妙令鬼哭。信無味之奇珍。非趨時之急務。且具錄前訓。今不復兼論。惟草正流通。專行於世。其或繼之者。雖百代可知。尋隸體。發源秦時。隸人下邳程邈所作。始皇見而重之。以奏事繁多。篆字難製。遂作此法。故曰隸書。今時正書是也。草聖起於漢時。解散隸法。用以赴急。本因草創之義。故曰草書。建初中。京兆杜操。始以善書知名。今之草書是也。余自少迄長。留心茲業。深手謝於臨池。銳意同於削板。而蕞山之扇。竟未增華。凌雲之臺。無因誠子。求諸故迹。或有淺深。輒刪善草。隸者一百二十一人。伯英以稱聖居首。法高以追駿處末。推能相越。小例而九。引類相附。大等而三。復爲略論總名書品。

孫按慎之。當宋子仙破會稽時。以詩免旤。而遺篇零落。論者惜焉。此與鍾仲偉詩評。固各樹一代之幟者也。

虎邱山序

顧野王

夫少室作鎮。以峻極而標奇。太華神掌。以削成而稱貴。若茲山者。高不概雲。深無藏影。卑非培塿。淺異棘林。秀壁數尋。被杜蘭與苔蘚。椿林十仞。挂藤葛與懸蘿。曲澗潺湲。修篁陰映。路若絕而復通。石將積而更綴。抑巨麗之名山。信大吳之勝壤。若乃九功六義之興。依永和聲之製。志由興作。情以詞宣。形言諧於韶夏。成文暢於鐘律。由來尙矣。未有登高能賦。而韜斐麗之章。入谷忘歸。而忽鏗鏘之節。故總轡齊鑣。競彫蟲於山川。雲合霧集。爭歌頌於林泉。於時風清邃谷。景麗修巒。蘭佩堪紉。胡繩可索。林花翻瀉。乍飄颺於

蘭皋山禽囀響。時弄聲於喬木。班草班荆。坐蟠石之上。濯纓濯足。就滄浪之水。傾縹盜而酌旨酒。剪綠葉而賦新詩。肅肅若與三徑齊蹤。鏘然似共九成借韻。盛矣哉。聊述時事。寄之翰墨。

蓀按王子安山亭興序較此便多俳調。

源按野王字希馮吳郡人以篤學至性知名在朝無過辭失色觀其容貌似不能言及其勵精力行皆人所莫及。

河清頌有序

鮑照

臣聞善談天者必徵象於人工言古者先考績於今鴻犧以降遐哉邈乎鏤山岳雕篆素昭德垂助可謂多矣而史編唐堯之功載格於上下樂登文王之操稱於昭于天素狐元玉聿彰符命朴牛文嶺爰定祥歷魚鳥動色禾雉興讓皆物不盈背而美溢金石頌聲爲之而寢詩人於是不作庸非感歎自我皇宋之承天命也仰符龍木之精俯協龜水之靈君圖帝寶粲爛瑰英固業光曩代事華前德矣聖上天飛踐極迄茲二十四載道化周流元澤汪濊地平天成上下含熙文同軌通表裏禔福燿德中區黎庶知讓觀英遐表夷貉懷惠秩禮卹勤散露臺之金振民舒國傾御邸之粟約違迫脅奢去甚泰燕無留飲改不槃樂物色異人優游鯁直顯磨失心幽無怨魄精炤日月事洞天情故不勞仗斧之使號令不肅而自嚴無辱鳳舉之事靈怪不召而自彰萬里神行飈塵不起農商野廬邊城偃柝冀馬南金填委內府馴象西爵充羅外苑阿紈纂組之饒衣覆宗國魚鹽杞梓之利榜贍荒遐士民殷富繁溢五陵宮宇宏麗崇冠山川間

閉有盈。歌吹無絕。朱輪疊跡。華冕重肩。豈徒世無窮人。民獲休息。朝呼韓。罷酤鐵而已哉。是以嘉祥累仍。福應尤盛。青邱之狐。丹穴之鳥。栖阿閣。遊禁園。金芝九莖。木禾六秀。銅池發膏。飲腴宜以。謁薦郊廟。和協律呂。煙霏霧集。不可勝紀。然而聖上猶夕興昧旦。若有望而未至。閔規遠圖。如有追而莫及。神明之貺。推而弗居也。是以碗碑鏤檢。盛典蕪而不治。朝神省方。大化抑而未許。崇文協律之士。蘊讎頌於外。坐朝陪宴之臣。懷揄揚於內。三靈貯睇。九壤注心。既有日矣。歲宮乾維。月纏蒼陸。長河巨濟。異源同清。澄波萬頃。潔瀾千里。斯誠曠世偉觀。昭啓皇明者也。語曰。影從表。瑞從德。此其效焉。宣尼稱鳳鳥不至。河不出圖。傳曰。俟河之清。人壽幾何。皆傷不可見也。然則古人所不見者。今殫見之矣。孟軻曰。千載一聖。是旦暮也。豈不信哉。夫四皇六帝。樹聲長世。大寶也。澤浸羣生。國富形清。鴻德也。制禮裁樂。惇風遷俗。文教也。誅垂荆黠。束頽象闕。武功也。鳴禽躍魚。滌穢河渠。至祥也。大寶鴻德。文教武功。其崇如此。幽明協養。民祇與能。厥應如彼。惟天爲大。堯實則之。皇哉唐哉。疇與爲讓。抑又聞之。勢之所覃者淺。則美之所傳者近。道之所感者深。則慶之所流者遠。是以豐功。勳命。潤色。騰策。盛德。形容。藻被。歌頌。察之上代。則奚斯吉甫之徒。鳴玉鬱於前。視之中古。則相如王褒之屬。施金羈於後。絕景揚光。清埃繼路。班固稱漢成之世。奏御者千有餘篇。文章之盛。與三代同風。由是言之。斯乃臣子舊職。國家通義。不可輟也。臣雖不敏。寧不勉乎。乃作頌曰。窺刊崩石。摺逸殘竹。巢風寂寥。羲埃綿邈。鉅生大年。瞻學淵聞。盤繡成景。粉績韻軒。徒翫井科。未睹天河。亘古通今。明鮮晦多。千齡一見。書史登歌。旋我皇駕。揆景方塗。凌周躐殷。瞰唐轢虞。如彼七緯。累璧重珠。

高祖撥亂。首物定靈。更開天地。再鑄羣生。帝御三極。龍步八垌。朔南暨教。海北騰聲。淪深格高。浹遐洞冥。
鑿鼎遷宋。元圭告成。大明方微。鴻光中微。聖命誰堪。皇歷攸歸。謀從筮協。神與民推。黃旗西映。紫蓋東輝。
納瑞螭玉。升政衡機。金輪豹飾。珠冕龍衣。正位北辰。垂拱南面。天下何思。日用罔倦。復禮歸仁。觀恆通變。
一物有違。戚言毀膳。非躬簡法。厚下安宅。謙德彌光。損道滋益。孝崇饗祀。勤隆畊籍。饋耐秋羊。封瑾春幣。
嬰髦兼梁。鰥孤重帛。體山學染。俗以教遷。禮導形清。樂啓風宣。分衢讓齒。折訟推田。野旌伏彥。朝賞登賢。
儒順優柔。武節森鷲。文憲精宏。戎容犀利。樞鈐明審。程驪周備。吏礪平端。民羞幸覲。桴鼓凝埃。烽驛垂轡。
銷我長劍。歸爲農器。閩外水鄉。彰表炎國。隴首西南。渤尾東北。巖巖嶺丹。渾渾泉黑。移琛雲勉。轉華叩焚。
狼歌薦功。鳥談成德。治博化光。民阜財盛。斑白行謠。青綺高詠。雲表幽和。物章明慶。麗物雕質。蠶行藻性。
仁草晨孳。德宿宵映。海無隱鷗。山有黃落。牛羊內首。閭戶外拓。瑞木朋生。祥禽輩作。薰風蕩闔。飴露漳關。
器範神妙。劑調象藥。匪直也斯。偉慶芳漆。注彼四瀆。媚此雙川。伏靈遙紀。閱貺遐年。澄波海嶽。鏡流蔥山。
泉室凝澱。水府清涓。俛瞰夷都。降旻驪淵。朱宮潛耀。紫閣陰鮮。昔在爽德。王風不昌。酒溢酒竭。或壅或亡。
潔源濫壑。曾是未央。先民永慨。大道悠長。云何其瑞。寶鍾我皇。聞諸師說。天竦聽密。介焉如嚮。匪遠惟疾。
矧是皇心。妙夫貞一。左右天經。戶牖人術。訐謨布簡。絲言盈室。歲有綿祀。清豈崇日。一人之慶。吹萬乘和。
靈根方固。修源重波。副睿貳哲。帝體皇柯。景雲蔚嶽。秀星駢羅。垂光九野。騰響四遐。輔居鼎足。磐石虎牙。
世四周室。基永漢家。秦階旣平。清河旣清。大夫在上。區宇文明。樵夫議道。漁父濯纓。臣照作頌。鋪德樹聲。

照字明遠。東海人。宋元嘉中。河濟俱清。照爲此頌。

照或作昭。後人避武后諱。故今宜改正。

源按明遠。宋孝武時。爲中書舍人。上好爲文章。自謂物莫能及。照悟其旨。爲文多鄙辭。當時以爲才盡。

勞生論有引

盧思道

莊子曰。大塊勞我以生。誠哉斯言也。余年五十。羸老云至。追惟疇昔。勤矣厥生。乃著茲論。因言時云爾。罷郡屏居。有客造余者。少選之頃。盱衡而言曰。生者天地之大德。人者有生之最靈。所以作配兩儀。稱貴羣品。妍媸愚智之辯。天懸壤隔。行己立身之異。入海登山。今吾子生于右地。九葉卿族。天授俊才。萬夫所仰。學綜流略。慕孔門之游夏。辭窮麗則。擬漢日之卿雲。行藏有節。進退以禮。不諂不驕。無愠無擇。偃仰貴賤之間。從容語默之際。何其裕也。下走所欣羨焉。余莞爾而笑曰。未之思乎。何所言之過也。子其清耳。請爲左右陳之。夫人之生也。皆未若無生。在余之生。勞亦勤止。紈綺之年。伏膺教義。規行矩步。從善而登。巾冠之後。濯纓受署。纒轡仁義。籠絆朝市。失翹陸之本性。喪江湖之遠情。淪此風波。溺于倒躓。憂勞總至。事非一緒。何則。地胄高華。旣致嫌于管庫。才識美茂。亦受嫉于愚庸。篤學強記。聳警于焉側目。清言河瀉。木訥所以疾心。豈徒蠶惜春漿。鷓鴣腐鼠。相江都而永歎。傅長沙而不歸。固亦魯值臧倉。楚逢靳尚。趙壹爲之哀歌。張升于是痛哭。有齊之季。不遇休明。申脰就鞅。屏迹無地。段珪張讓。金貝是視。賈謐郭淮。腥臊可厭。淫刑以逞。禍近池魚。耳聽惡來之讒。足踐龍逢之血。周氏末葉。仍值僻王。斂笏升階。汗流浹背。苞客之

踵躋焦原。匹茲非險。齊人之手執馬尾。方此未危。若乃羊腸句注之道。據鞍振策。武落雞田之外。櫛風沐雨。三旬九食。不敢稱饑。此之爲役。蓋其小小者耳。今秦運肇開。四門以穆。冕旒司契于上。夔龍佐命于下。岐伯善卷。恥徇幽憂。卞隨務光。悔從木石。余年在秋方。已迫知命。情禮宜退。不獲宴安。一葉從風。無損鄧林之攢植。雙鳧退飛。不虧渤海之游泳。耕田鑿井。晚息晨興。候南山之朝雲。擊北堂之明月。汜勝九穀之書。觀其節制。崔寔四民之令。奉以周旋。晨荷簞笠。白屋黃冠之伍。夕談穀稼。霑體塗足之倫。濁酒盈罇。高歌滿席。恍兮惚兮。天地一指。此野人之樂也。子或以是羨余乎。客曰。吾子之事。旣聞之矣。佗人有心。又請論其梗槩。余答曰。雲飛泥沈。卑高異等。圓行方止。動息殊致。是以摩霄運海。輕罽羅于藪澤。五衢四照。忽斤斧于山林。余晚值昌辰。遂其弱尙。觀人事之隕穫。親時路之遛危。元冬修夜。靜言長想。可以累歎悼心。流涕酸鼻。人之百年。脆促已甚。奔駒流電。不可爲辭。願慕周章。數紀之內。窮通榮辱。事無足道。而有識者鮮。無識者多。褊隘凡近。輕險躁薄。居家則人而獸心。不孝不義。出門則諂諛佞。無愧無恥。退身知足。忘伯陽之炯戒。陳力就列。棄周任之格言。悠悠遠古。斯患已積。迄於近代。此蠹尤深。范卿搆讓之風。摺紳不嗣。夏書昏墊之罪。執政所安。朝露未晞。小車盈董石之巷。夕陽且落。阜蓋填閭竇之里。皆如脂如韋。俯僂匍匐。噉惡求媚。砥痔自親。美言諂笑。助其愉樂。詐泣佞哀。恤其喪紀。近通旨酒。遠貢文蛇。豔姬美女。委如脫屣。金銑玉華。棄同遺跡。及鄧通失路。一簪之賄無餘。梁冀就誅。五侯之貴將起。向之求官買職。晚謁晨趨。刺促望塵之舊遊。伊優上堂之夜客。始則亡魂褫魄。若牛兄之遇獸。心戰色沮。似葉公之見龍。俄而抵

掌揚眉。高視闊步。結侶棄廉公之第。攜手哭聖卿之門。華穀生塵。來如激矢。雀羅暫設。去等絕絃。飴蜜非甘。山川未阻。千變萬化。鬼出神入。爲此者皆衣冠士族。或有藝能不恥不仁。不畏不義。靡媿朋友。莫慙妻子。外呈厚貌。內蘊百心。絲是則紆青佩紫。牧州典郡。冠幘劫人。厚自封殖。妍歌妙舞。列鼎擅鐘。耳倦絲桐。口飫珍旨。雖素論以爲非。而時宰之不省。末俗蚩蚩。如此之敝。余則遠時薄宦。屏息窮居。甚恥驅馳。深畏乾沒。心若死灰。不營勢利。家無儻石。不費囊錢。偶影聯官。將數十載。驚拙致笑。輕生所以告勞也。真人御宇。斲雕爲朴。人知榮辱。時反邕熙。風力上宰。內敷文教。方邵重臣。外揚武節。被之大道。洽以淳風。舉必以才。爵無濫授。稟斯首鼠。不預衣簪。阿黨比周。掃地俱盡。輕薄之儔。滅影竄迹。礫石變成瑾瑜。莠莠化爲芝蘭。曩之扇俗攪時。駁耳穢目。今悉不聞不見。莫余敢侮。易曰。聖人作而萬物覩。斯之謂乎。

菴按盧子行以官塗淪滯。乃著此論。指切當時。與入周作聽蟬詩。遷武陽作孤鴻賦。同一憂愁所寄。而文之工。首推此篇。其詆斥物情。縱談世變。孝標絕交以外。能媿此者尠矣。

源按隋書。思道字子行。范陽人。年十六。遇中山劉松。松爲人作碑銘。思道讀之。多所不解。於是感憤。閉戶讀書。師事河間邢子才。後思道以文示松。松亦不能甚解。乃喟然歎曰。學之有益。豈徒然哉。因就魏收借異書。數年間。才學兼著。北齊文宣帝崩。朝士各作挽歌十首。選用魏收。陽休之。等不過三首。惟思道獨得八首。時人豔稱之。

餅說

吳均

宋公至長安。得姚泓時故大官丞程季者。了了人也。公曰。今日之食。何者最先。季曰。仲秋禦景。離蟬欲靜。變變曉風。淒淒夜冷。臣當此景。唯能說餅。公曰。善。季乃稱曰。安定噎鳩之麥。洛陽董德之磨。河東長若之葱。隴西舐背之犢。枹罕赤髓之羊。張掖北門之豉。然以銀屑煎以金銹。洞庭負霜之橘。仇池連蒂之椒。調以濟北之鹽。對以新豐之雞。細如華山之玉屑。白如梁甫之銀泥。既聞香而口悶。亦見色而心迷。公曰。善。

蓀按叔庠文加責璧食移。俱俶詭可喜。此尤膾炙人口。錄之以爲七發繼聲。

源按叔庠吳典故彰人文體清拔入古甚爲沈約稱賞。好事者效之。謂爲吳均體。均注後漢書。著齊春秋廟記。十二州記。錢唐先賢傳。續文釋文集。共一百七十餘卷。又奉勅撰通史。起三皇。訖齊代。均草本紀世家已畢。惟列傳未就卒。

凌煙樓銘宋臨川王建

鮑照

臣聞憑颺薦響。唱微效長。垂波鑒景。功少致深。是以冰臺築乎魏邑。鳳閣起於漢京。皆所以贊生通志。感悅幽情者也。伏見所製凌煙樓。樓置崇迴。延瞰平寂。卽秀神泉。因基地勢。東臨吳甸。西眺楚關。奔江永寫。鱗嶺相蒼。重樹窮天。通原盡目。悲積陳古。賞絕舊年。誠可以暉曠高明。藻撤遠心矣。夫識緣感傾。事待言彰。匪言匪述。綿世罔傳。敢作銘曰。

巖巖崇樓。藐藐層隅。階基天削。戶牖雲區。瞰江列楹。望景延除。積清風露。合綵煙塗。俯窺淮海。俛眺荆吳。我王結駕。藻思神居。宜此萬春。修靈所扶。

曇隆法師誄

謝靈運

夫協理置論。百家未見其是。因心自了。一己不患其蹟。而終莫相辨。我若咸歎。翻淪得拔。竟知于誰。冀行跡立。則善惡靡徵。欲聲名傳。則薰蕕同歇。然意非身之所挫。期出命之所限者。目所親覲。見之若人矣。慧心朗識。發于髫髻。生自豪華。家贏金帛。加以巧乘騎。解絲竹。秣絕景于康衢。弄絃管於華肆者。非徒經旬涉朔。彌歷年稔而已。諒趙李之咸陽。程鄭之臨邛矣。既而永夜獨悟。中飲興歎。曰悲夫。欣厭迭來。終歸憂苦。不杜其根。於何超絕。且三界迴沈。諸天倏瞬。況齊景牛山。趙武企陰。催促節物。逼迫霜露。推此願言。伊何能久。慨然有擯落榮華。兼濟物我之志。母氏矜其心。姊弟申其操。遂相許諾。出家求道。一身既然闔門離世。妻子長絕。歡娛永謝。豈唯向之靡樂。判之盛年。終古恩愛。於今世別矣。旅舟南遡。投景廬嶽。一登石門。香鑪峯。六年不下嶺。僧衆不堪其操。法師不改其節。援物之念。不以幽居自抗。同學嬰疾。振錫萬里。相救。余時謝病東山。承風遙美。豈望人期。頗以山招。法師至止。鄙人榮役。前詩敍粗已記之。故不重煩。及中間反山。成說款盡。遂獲接棟重崖。俱浥迴澗。茹芝朮而共餌。披法言而同卷者。再歷寒暑。非直山陽靡喜。愠之容。令尹一進已之色。實明悟幽微。祛滌近滯。蕩吝澡垢。日忘其疾。庶白首同居。而乖離無象。信順莫歸。徵集何緣。晚節罹壑。遠見參尋。至此阻闕。音塵殆絕。值暑遭疾。未旬卽化。誠存亡命也。此行頗實有由。承凶感痛。實百常情。紙墨幾時。非以斯名。蓋欽志節。追感平生。自不能默已。故投懷援筆。其辭曰。仰尋形識。俯探理類。探聲知律。拔茅觀彙。物以靈異。人以智貴。卽是神明。觀鑒意謂。爰初在稚。慧心夙察。

吐噏芳華。懷抱日月。如彼蘭苑。風過氣越。如彼天倪。雲被光發。求名約身。規操束己。儻或遇世。曾未近似。生以意泰。意管生理。孰是歡慰。程鄭趙李。家畜金縉。才練藝技。驥首揮霍。繁紘綺靡。酒娛調促。意妍服侈。朝迫景曠。夕忘星徙。悠悠白日。淒淒良夜。年往歡流。厭來情舍。苦樂環迴。終卒代謝。棄而更適。生速名借。誰能易奪。何術推移。精粗渾淆。善惡參差。卽心有限。在理莫規。試覈衆肆。庶獲所窺。道家躡近。郡流缺遠。假名恆誰。傍義豈反。獨有兼忘。因心則善。傷物沈迷。羨彼驅遣。變服京師。振錫廕頂。長別榮冀。永息幽嶺。舍華襲素。去繁就省。人苦其難。子取其靜。昏之視明。卽恐成絕。智之秉情。對理斯坦。吝旣弗祛。滯亦安拔。子之矜之。爲爾苦節。節苦在己。利貞存彼。以明開逝。以茲累徙。欲以援物。先宜濟此。發軔情違。終然理是。梁鴻攜妻。荷蓀見子。雞黍接人。行歌通己。於世曰高。於道殊鄙。始見法師。獨絕神理。形壽易盡。然諾難判。乘心卽化。棄身靡歎。懷道彌厲。景命已冥。矜物辭山。終身旅館。嗚呼哀哉。魂氣隨之。延陵已了。鳶螻同施。漆園所曉。委骸空野。豈異豈矯。幸有遺餘。聊給蟲鳥。嗚呼哀哉。緬念生平。同幽共深。相率經始。偕是登臨。開石通澗。別柯疏林。遠眺重疊。近矚峴嶽。事寡地閒。尋微探蹟。何句不研。奚疑弗析。帙舒軸卷。藏技紙壁。問來答往。俾日餘夕。沮溺耦耕。夷齊共薇。跡同心歡。事異意遠。承疾懷灼。聞凶滋悲。孰云不痛。零淚沾衣。嗚呼哀哉。行久節移。地邊氣改。終秋中冬。踰桂投海。永念伊人。思深情倍。俯謝常人。仰愧無待。嗚呼哀哉。蓀按客兒。以衣冠世胄。俛仰新朝。情勢旣乖。卒以不免。然其慧心朗舌。如辨宗論。維摩讚語。文俱深得。祇洎宗旨。可謂殫心。彼教者。此篇與慧遠法師誄。並稱極工。以集隘止鈔其一。

褚先生伯玉碑

孔稚圭

夫河洛摛寶。神道之功。既傳。岱華吐祕。仙靈之迹。可觀。蓋事詳於玉牒。理煥於金符。雖冥默殊源。顯晦異軌。測心觀古。可得而言焉。是以子晉笙歌。馭鳳於天海。王喬雲舉。控鶴於元都。有羽化蟬蛻。觸影遯形。神翥帝宮。迹留劍杖。遊瑤池而不返。宴元圃以忘歸。永嘉惡道者。窮地之險也。欽竇竭日。折石橫波。飛浪突雲。奔湍急箭。先生攀途躋阻。宿泄涉折。而衡鷗夜鼓。山洪暴激。忽乃崩舟墜壑。一倒千仞。飄地淪高。翻透無底。徒侶判其冰碎。舟子悲其覆散。危魂中夜。赴阻相尋。方見先生。恬然安席。銘曰。關西升妙。洛右飛英。鳳吹金闕。簫鼓玉京。絕封萬古。乃旣先生。先生浩浩。唯神其道。泉石依情。煙霞入抱。祕影窮舳。孤栖幽草。心圖上元。志通大造。

蓀按此與北山移文筆意。如出兩手。

源按伯玉字元璩。吳郡錢唐人也。少有隱操。年十八。父爲之婚。婦入前門。伯玉從後門出。遂往剡。居瀑布山三十餘年。隔絕人物。宋孝建二年。聘本州議曹。從事不就。南齊高帝卽位。手詔吳會二郡。以禮迎遣。又辭疾。帝不欲違其志。勅於剡之白石山。建太平館居之。建元二年卒。稚圭從其受道法。爲於館側立碑。

招真館碑

簡文帝

夫東瀛淥水。三變成田。西嶽靈桃。千年未子。尙以星起牽牛。部首迢遞。律生甲子。氣數杳冥。況復上遊玉

清。損之又損。高排金闕。元之又元。豈言象之能詮。非時節之所辨。海虞縣者。則虞農都尉太康置。其祖境有虞山。越絕書云。巫咸之所出也。高巖鬱起。帶青雲而作峯。瀑水懸流。雜天河而俱灑。雖日門採藥之地。楚望懷椒之歌。湯反流沙之魂。錦飾汾陰之鼎。無以喻焉。其峯則有石城石門。虛曉自然。不度句吳之馬。神功挺起。豈似岡陵之畫。魏后冰城。夜陣權息。長安慈石。浴鐵暫流。較跡比期。優劣斯遠。道士沛郡張君諱道裕。字宏真。卽漢朝天師陵十二代孫。天監二年。來至此岫。栖遁十有餘載。夜忽夢見聖祖云。峰下之地。而勢閒寂。宜立館宇。可以卜居。裕師潘淇。隱始甯四明山。無何。有人耳長短髮。云從虞山招真治來。旨訖忽然不見。潘馳信報君。君因辭山舊居。而以夢中所指峰下之地。卽以爲治。故號招真。高臺迴立。有類玉臺之山。長廓宛轉。還如步廊之岫。柱削芳桂。豈俟開陽木飛。材選海檀。無勞豫章神拔。黃庭司命之府。有類玲瓏。米陵赤石之觀。同符宏敞。遠望仲雍。而高墳蕭瑟。傍臨齊女。則衰壠蒼茫。蘇尋千仞之木。氣叶星晷。華飛五香之草。形圖宮室。帷葉綵花。卷舒蹊逕。陽桃侯棗。榮落巖崖。樹息金烏。簷依銀鳥。鳳將九子。應吹能歌。鶴生七歲。逐節成舞。旭日晨臨。同迎若華之色。夕陽斜影。俱成拂鏡之暉。玉礎微潤。應山雲於高厲。鴻籟徐響。引和風於空谷。方當專氣致柔。入無爲之竟。周行不殆。窮混成之致。茅子算歸。較轡無已。魏姬宴罷。留駕不還。何止持節變淮南之金。傳符蒔北鐘之稻。明月蛟龍之騎。驅之使闕。四銖七子之鏡。引以成刀。散季齋之羽。起雄鳴之霧而已哉。乃爲銘曰。

玉龜二始。金書八會。道浹地心。功浮天外。故帝可小。唯真能大。德起同塵。善生塞兌。物寶自然。人符交泰。

掩映綠蘿。穹隆紫蓋。仙治之美。此焉爲最。雄柱千步。陽臺百丈。水均下闕。山踰高掌。野寂雲興。禽繁山響。升虹夕栖。豐雷朝上。元陽作石。竹龍成杖。書藏玉匣。藥蘊銀筒。燒鉛雜鯉。折桂和葱。羽衣可服。雲駟易通。斧柯雖朽。碑石無窮。

此篇載姑蘇志。題曰招真治記。治者。本道書言太上下二十四治。付張道陵布法於後嗣。後盡立治於元都。故稱治也。按陳馬樞道學傳。張裕起招真館。梁簡文爲製碑。故今亦沿之曰招真館碑。○藝文類聚載其銘中數語。稱梁簡文招真館銘。其爲簡文筆無疑。姑蘇志訛爲昭明。今正之。

蓀按右跋語。見一百三家文集卷中。凡此類。皆錄文時。於各書中隨手附注。不能一一疏其姓氏矣。

天光寺碑

陸 倕

法雲旦聚。則浸潤被乎重沙。慧日晨燈。則暉光燭於有頃。皇帝乃把神珠。握靈鏡。擊天鼓。撞地鐘。驅日月之師。勒星辰之陣。九流外籍。五明內典。鳥策餘文。龍宮遺教。莫不神遊房奧。跡徧門牆。思洞希微。言窮名象。珉階凌虛。瓊籬鬱起。可使龍城愧飾。鴈塢慙珍。日宇奪暉。月宮掩麗。昔者姬水壽丘。載紀山川之目。丹陵負夏。僅傳鄉黨之名。歌酒故邑。賜復窮乎身世。燠篋舊里。高會止於當年。銘曰。被物如露。偃民猶草。解髻傳珠。袖衣受寶。化遠宅火。功超河岸。捨我神居。興茲靈館。八襲豐殿。四柱高廊。並陳金壁。旁達玉箱。從橫雜樹。閒厠衆芳。

蓀按元帝爲倕作墓銘云。詞峯懸豎。逸氣雲浮。可謂太常知己。此文亦漏刻石闕之亞也。

常山公主碑

溫子昇

啓泰微之層構。開閭闔之重扉。據天下以爲家。苞率土而光宅。然則崑山西峙。爰有夜光。漢水東流。是生明月。公主稟靈宸極。資和天地。芬芳有性。溫潤成質。自然祕遠。若上元之隔絳河。直置清高。類姮娥之衣桂樹。令淑之至。比光明於宵燭。幽閒之盛。匹穠華於桃李。託體宮闈。而執心撝順。婉然左辟。率禮如賓。舉華燭以宵征。動鳴佩而晨去。致肅雍于車乘。成清合於琴瑟。立行潔於清冰。抗志高於黃鶴。停翰表信。闔門示禮。終能成其子姓。貽厥孫謀。而鐘漏相催。日夜不息。川有流急。風無靜樹。奄辭身世。從窆妃於伊洛。遡捐館舍。追帝子於瀟湘。銘曰。龍轡莫援。日車遂往。奄離形神。忽歸邱壤。祖歌薤露。出奏巫山。永厝中壘。終掩窮泉。蕭瑟神道。荒涼墓田。松楸徒列。琬琰空傳。

蓀按濟陰王暉業云。子昇文足以陵顏轅謝。含任吐沈。雖屬過情之譽。然卽以是碑論。其淵雅之致。正不易幾。能掩之者。惟蘭成諸夫人墓志耳。

源按子昇字鸞舉。太原人。與河間邢子才。郇鉅鹿魏伯起。收齊名。世號三才。

景明寺碑

邢邵

九土殊方。四生舛類。昏識異受。修短共時。德表生民。不救泰山之朽壤。義同列辟。豈濟灤水之滄胥。漂鹵倒戈之勢。浮江駕海之力。孰不曠息相催。飛馳共盡。泡沫不足成喻。風電詎可爲言。而皆遷延愛欲。馳逐

生死。眷彼深塵。迷茲大夜。坐積薪於火宅。負沈石於苦海。結習靡倦。憂畏延長。身世其猶夢想。榮辱譬諸幻化。未能照彼因緣。體茲空假。祛洗累惑。擯落塵埃。苦器易彫。危城難久。自發迹有生。會道無上。劫代緬逸。朕迹遐長。草木不能況缺。塵沙莫之比形。日晷停流。星光輟運。香雨旁注。甘露上懸。降靈迦衛。擁迹忍土。智出須彌。德踰大地。道尊世上。義重天中。銘曰。

大道何名。至功不器。理有罔適。法無殊致。能以託生。降體凡位。正覺如遠。一念斯在。德尊三界。神感四大。川流自斷。火室不然。衣生寶樹。座踊芳蓮。智固有極。道暢無邊。

蓀按子才本傳。祇載文學內行數大端。於禪解未有聞焉。然謂其高情達識。開遣滯累。固深得祇洹法趣者。何惑乎此文之工也。

大同哀辭

簡文帝

大同。字仁洽。予之第十九子也。生於仲秋。殞於冬末。悲夫。潛慟結於心。愁眉慘於外。夕坐於是。申旦當食。以之不甘。客有謂予曰。死生常也。天壽命也。陳蕃所憩之家。久傳紀錄之歲。華歆所聞之語。已定北陵之期。上聖所以忘情。賢者所以達節。將何戚焉。予對之曰。觀其明眸豐下。玉色和聲。豈不登髻歲而擬觸藩。及執袴而知折李。靈心摧於毫末。慧識挫於趾步。庶方悟於來途。遂窮魂於短日。豈不傷哉。乃爲辭曰。含精鬱抑。歎嗟何極。云誰之悲。悲予弱息。實天道之偏頗。觀賦命之殊舛。彼神祭之靈長。獲萬春之悠緬。有舜華之照灼。寄一朝之浮命。始夢熊而非吉。遂設弧而表慶。驗天蘭之所受。知地井之可映。愛萱草之

有徵欣赤弗之在詠。信歎慰之未幾。悼天零之云及。乃變樂而爲悲。遂改笑而成泣。習珠襪之交舒。又金香之相襲。籍綺茵於弱肌。隱孩笑於羅帷。今獨親於元壤。亦何痛其如之。憶餘態而心楚。想媚質而迴腸。藥尙殘而染地。衣猶賤而在牀。卷金屏之四葉。開銀函之九年。忽徘徊而想像。曾何時而不傷。於星風景。暮鍾氣殿晚候。葉藪藪而走堦。水淺淺而鳴漏。月半鏡而開河。雲羅柱而下岫。燈發焰而吐花。火含光而成就。金鹿之恨涕沾衣。金瓠之哀還掩扉。猶茲紫山明玉碎。譬彼西都芳草腓。終無逐浪鳧船反。何時復聞龍種歸。

孫按帝誠當陽書。立身須謹重。文章須放蕩。然集中所載諸文。抑何其淵雅而整飭也。

徵君何子皙先生墓誌銘

簡文帝

先生履玉燭之正氣。應大賢之一期。實生而知機。撫塵斯庶。敬非習起。孝乃因心。聚徒教習。學侶或羣。與沛國劉瓛。汝南周顒。爲友。陸璣。賀瑒。之徒。更道北面。永明中。王文憲儉。受詔撰禮。未竟而卒。屬在司徒文宣王。王以讓先生。因廣加刊緝。故以含文燕居。說六典五恩之義。或齊侯所不鎮。孟嘉所未知。皆折茲大物。成此良教。小人道長。每諷考槃之詩。君子道消。便執天山之筮。乃毀車挂冠。拂衣東嶺。始居若耶。來從秦望。今上經綸天地。權輿鼎業。始徵爲軍謀祭酒。實允文若之舉。且光彥先之選。又徵特進右光祿大夫。高尚其事。確乎不拔。元纁徒往。束帛虛歸。而給白衣尙書祿。固辭不受。窆乎其山。正衾在殯。嚙鏤器與玉衣。堯典入棺。恥密章及書綬。知與不知。並懷惋愴。咸以人亡素楫。禮墜文章。洙泗頽經。扶風罷學。關西

疑聖之德。自此長淪。高松引風之氣。於茲永息。余昔在朱方。亟枉翰迹。欽風味道。迄淹歲時。既而位阻桂宮。塗乖咫尺。不獲擁經步至。間春卿之痾。徐輪三反。入村夷之舍。痛祥雲之滅采。悲列曜之晞暉。追勒高卿。乃爲銘曰。

文範高世。元晏絕倫。復有令德。遠之與均。誰與均此。嗚呼哲人。第五肥遁。餘軌尙遵。司空開學。其風不泯。傳茲孝歌。曰悌且仁。氣高瓊岳。心虛谷神。括羽儒囿。舟輿席珍。旣遊慧水。兼引法輪。談扇猶在。鳴琴尙陳。如何不慙。德素長淪。寂寥巖穴。荒涼澗濱。橋曰隻雞。徐稱酬素。欽欽夫子。風期夙著。蓄思含毫。傳芳寫譽。沈礎雖貞。元泉無曙。

源按子皙。名點。廬江潛人。宋秦始末。徵太子洗馬。齊初。累徵中書侍郎。太子中庶子。並不應。梁武與點有舊。及踐祚。手詔論舊。賜以鹿皮巾等。徵爲侍中。辭病不起。與兄求。弟胤。皆無宦情。世號何氏三高。

右南北朝文鈔二卷。國朝彭兆蓀輯。兆蓀字湘涵。號甘亭。陽湖人。貢生。嘗薦舉孝廉。方正不就。事蹟見國朝先正事略。案駢儷之文。自以導源。蕭選爲極。則然自奇。偶旣判。源流遂分。近時陽湖李氏刊駢體文鈔。凡蕭選所錄。一字不遺。於是賈生過秦論。太史公報任少卿書。乃均指爲駢體。宜爲陸祁孫輩所訾議也。是集託始南北朝。與王志堅四六法海。湯顯祖續文選。體例相同。最爲醇正。每篇間增評駁。考據數語。亦極精評。考甘亭平生論文宗旨。具見集中。荆石山房文集序。及與姚春木兩書。於虞通讓昏表。釋真親役僧書。皆詆毀不遺餘力。然此篇仍錄有釋真觀書。豈欲聊備一格耶。至篇中凡徐庾文及文選已有者。概不復列。然如劉峻山栖志。溫子昇寒陵山寺碑。亦以習見不收。此與姚鉉唐文粹。不載昌黎平淮西碑。或當別有微旨耳。竊謂南北朝人所著書。多以駢儷行之。亦均質雅可誦。如范蔚宗沈約之史論。劉勰文心雕龍。鍾嶸詩品。酈道元水經注。楊銜之洛陽伽藍記。斯皆篇章之珠澤。文采之鄧林。誠使勒爲一書。與此編相輔而行。足爲詞章家之圭臬。余向有是志。惜乎抗塵走俗。逢轉萍浮。頭白有期。汗青何日。擬俟山居稍有餘暇。當補成之。光緒乙亥。白露前二日。南海伍紹棠謹跋。



王震五主編

叢書集成初編

南 北 朝 文 鈔
二 冊

中華民國二十五年十二月初版

輯 者 彭 兆 蓀

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

信

七〇五九上

板



3
4
1830